

6.

35798/A/1

Last (blank) leaf
pasted to back
cover

W 674

[c. 1711]

See t.p.

(Joseph II 1705-11)

Charles VI, his successor,
claimant to the Spanish
throne as Charles III

SALIS ANATOMIA,

in qua

Origo, Facultates,
Differentiæ & Se-

lectus Salis

*fundamentaliter & summa
cum diligentia descri-
buntur*

ab

ANTONIO à MASSA,

Mediolanensi,

Sac: Cæsareæ Majestatis JOSEPHI I.

Rom: Imperatoris Augustissimi

&c. &c. &c.

Consiliario, nec non Ducatus Silesiæ
Rei Salinariæ Administratore.

Cum Licentia Ordinarii.

*Impressit Wratislaviæ Andr. Franc. Pega, Sereniss:
& Reverendiss: Principis & Episcopi Typogr. Aul.*

*Serenissimo & Potentissimo
Principi ac Domino*

**C A R O L O
I I I.**

*Hispaniarum & In-
diarum Regi,*

Duci Invictissimo ;
**Publicæ Tranquillitatis
Numini**





Serenissime Rex
ac
Domine Domine
Clementissime.



Ad Pedes Sacræ Maje-
statis Vestræ opuscu-
lum hoc meum de
Sale, devotissimè de-
positurus, summo me animi gaudio
per-

perfusum sentio, utpote qui nec
materiam nobiliorem, nec Sacrae
Majestatis Vestrae Personae appli-
cabiliorem adinvenire facile potu-
issem; quantum enim haec Salis cla-
ritas, candor, suavitas & aestimatio,
haec merita, tanta dignitas, tot vi-
res, virtutes, praerogativae ac bene-
ficia, praecunctis aliis totius universi
rebus praefereantur habent, tantum
& Sacra Regia Majestas Vestra me-
rito praeceteris mortalibus sibi ar-
rogare potest; quis enim & natali-
bus clarior, & candidior moribus?
quis verbis suavior? quis omnium
votis & cordibus aestimatiores? quis
majoris meriti ac dignitatis, quis
Viribus, Virtutibus, Praerogativis
dotatus magis? quis demum am-
pliora largiri potens beneficia,
quam Sacra Regia Majestas Vestra,
quae

quæ in tam excelso relucens fastigio, Augustissimæ Profapiæ Suæ Austriacæ adnatas exercet Virtutes, tantâ humanitate & facilitate laudabilis, ut nemo tam humilis, cui ad se non pateat aditus, hanc in admittendo facilitatem, in audiendo humanitatem & patientiam, & in deferendo benignitatem continuò observans, ut cuilibet in tanti Regis Persona, gravitatem humanitati, severitatem serenitati, & Comitati mixtam admirari liceat Majestatem. Enimverò ii, quibus Majestatem Vestram intueri fas est, non vulgari cultu ac veneratione dignum esse confiteri tenentur, ipsam enim in facie vident mentem puram, integrâque honestate splendidam, splendore laudabilem & serenam. Cundæ quidem in Ma-
jestate

jestate Vestra florent Virtutes, sed
magis inter eas conspicuæ (quibus,
quod Augustus apud Senecam ait,
Principes Dii fiunt) sunt Pietas &
Justitia, has enim Sacra Majestas
Vestra Consiliorum & Actionum
suarum sibi elegit Rectrices, quippe
quæ puræ religionis amorem, ve-
rûmque Dei cultum, à majoribus
suis hæreditate acceptum sanctis-
simè tuetur ac defendit, justitiam,
suum cuique tribuendo pro virili
exercet; maximè verò omnium,
Austriacis Principibus, quibus no-
men Clementissimorum jam ante
sæcula cum veritate attributum est,
adnata elucet Clementia, cui Sacra
Regia Majestas Vestra, quæ Prin-
ceps Optimus, Seipsum alligavit:
parcit, cùm punire posset, potenti-
am suam placidè & salubriter exer-
cens,

cens, benevolentia potestatem, salute severitatem, & rigorem Clementia mitigans. Accedit ad has Virtutes, & ea, quæ Sacræ Regiæ Majestati Vestræ divinitus in contubernium data est, cæterarum Virtutum lux & anima, belli pacisque ratio, consiliorum & negotiorum regula, Prudentia, cum sorore sua Vigilantia: Argus est Sacra Regia Majestas Vestra, omnia videns, occupata semper, pro salute singulorum & universorum vigilans, ut & sui liberentur ab oppressione, & alii veniant ad quietem. De Fortitudine, quam Vestra Regia Majestas ab Augustissimis & strenuissimis Progenitoribus traduxit, quid dicam, si non, quòd prius Optimus, quàm Maximus esse studeat. Invictum tamen, minimèque trepidum

dum & terræ & maris infestæ tempestates, quæ pleno ut ita dicam alveo in Majestatem Vestram irruerunt, sed summi rerum Arbitri, Consilia & arma dirigentis favore repressæ sunt, satis demonstrant. Virtutes fortuna sequitur, quam Sacra Regia Majestas Vestra à summo omnis boni fonte, juris & justitiæ opera cernente, eò consequetur certius, quò causa melior, triumphos cum prosperitate junget, ut quantam Majestas Vestra quæ Hispanæ Pater gentis, ex piè & justè gestis, curâque salutis publicæ capit gloriam, tantam populus subditus consequatur felicitatem; eò Sacræ Regiæ Majestatis Vestræ Consilarii ac Ministri, ipsi quoque toti Virtutibus cumulati, Consiliorum lumina, negotiorum columnina, qui

Sa-

Sacræ Regiæ Majestatis Vestræ
Merita ac Virtutes admirantur &
venerantur, prudentiâ, fide, obse-
quiô, summô denique collimant,
studio, ut prosperum Sacra Regia
Majestas Vestra & fælix Regnum
adipiscatur; sint igitur Majestati
Vestræ tot manus, quot Ministri, ut
regat omnia, tot aures & oculi, quot
familiares, ut sciat omnia, tot Cu-
stodes corporis, quot Cives, ut con-
servet omnia; quid nî? in omnium
enim suorum cordibus habitat,
amata ab omnibus, alios liberali-
tate, quâ Principis dignitati nihil
accommodatius, sibi conciliat, alios
humanitate allicit, cunctos pietate
ac justitia, duabus verè Regiis Vir-
tutibus devincit, quibus eam, me-
ritis suis dignam, apud posteros sibi
comparat gloriam, ut talem olim
lau-

laudum suarum auditura sit præconem, qualem Trajani Imperatoris fœlicitas est nacta. Has Sacræ Regiæ Majestatis Vestræ Virtutes illustrissimas, quas tantò brevius hîc tangere volui, quantò laudabilius est reverentiâ quàm facundiâ apud proximos Deo Principes profiteri, ego quoque summâ animi submissione veneratus, ea quâ par est reverentiâ Sacræ Regiæ Majestati Vestræ opus hoc meum de Sale humillimè dedico, Omnipotentem DEUM assiduè imploraturus precibus, ut Sacram Regiam Majestatem Vestram, Dominum meum Clementissimum, omnis generis fœlicitate cumulatum, protegat incolumen, lætum, florentem, & in multa longævum sæcula vivere sinat, Virtute, Fortunâ, Gloriâ eminen.

nentem fervet , & conservet , ut ,
porrò Patria mea fæliciffimis Sacræ
Regiæ Majestatis Vestræ auspiciis
lætior & florentior assurgat , quod
iterum iterúmque precor & voveo

Sacræ Regiæ Majestatis
Vestræ

*humillimus devotissimus
obsequiosissimus*

Antonius à Massa.



Præfatio ad Lectorem.

Plures jam sunt anni, à quo dum opus hoc meum de Sale, quasi primum meorum laborum factum, edere cogitâram, à melioribus meis amicis graviter fui reprehensus, quòd surreptas à mediis negotiorum fluctibus bonas horas, malè collocarem: negotium enim non modò inutile sed quasi insolens & ineptum, me suscepisse contendebant, cum juxta communem sententiam nihil dici possit, quin priùs fuerit dictum, nihil inveniri, quod non longè ante fuerit inventum, quorum oggannitioni reverà succubuissem, & labori isti supersedissem, nisi hic spaciosissimus Salis Ager, ut sterilis, atque omninò incultus,

ab omnibus ferè Scriptoribus hætenùs
prætermisſus, atque tam latè patens Ar-
gumentum ratio, animo concepta me jam
ſpontè currentem vehementiùs incitâſ-
ſet; fætum igitur jam respirantem, eâ,
quâ potui, diligentia curavi educandum,
non modò rationi ſed & experimento in-
hians, totam ferè Europam Chriſtia-
nam peragravi: Hispaniam ingreſſus,
quæ Provincia latiſſima eſt, ac pluribus,
multoque præſtantioribus omnis generis
ſalinis, præ aliis abundat, intentis oculis
cuncta, quæ maximè ad ipſum de Sale
inſtitutum pertinebant, ſummâ curâ,
& diligentia obſervavi, & in librum
cujusdam Viri ſapientis, in quo is Salis
Utilitatem ſummis ac permiris laudibus
extulit incidens, curioſitati meæ & alio-
rum, parcere non potui; Hoc igitur
laudato à Laudatiſſimis Argumento, con-
firmata mea reſolutio, calcaria currenti
mihi addidit, ad conſtruendum hoc
opus, quò verò indies accreſcente, more
pii ac generoſi Patris, qui nec ſumpti-
bus, nec laboribus, nec ſibi æmum par-
cit, modò filios ipſe videat honeſtis Tri-
umphis atque Gloriâ decoratos, filium
hunc

*hunc meum vagare permisi, & Tibi be-
nigne Lector commendo, erroribus suis
parce, nec ullas pro eo cupio facias
expensas. Vale.*



In-

Index Capitem.

CAP: I.

Quid Sal fit, quæ ejus facultates, ex quibus Elementis constet.

CAP: II.

De Salis Excellentia eidemque affinitate juncta.

CAP: III.

Cur Sal Auro & Gemmis sit præferendus.

CAP: IV.

Quibus de causis Sal summo sit honore afficiendus.

CAP: V.

De Salis Viribus.

CAP: VI.

De Salis Virtutibus.

CAP: VII.

De Salis Beneficiis.

CAP: VIII.

Quantum Sal humanis corporibus valeat.

CAP: IX.

Quantum Sal Animantia delectet.

CAP: X.

Quantum Sal Vegetabilia juvet.

CAP: XI.

De Maris fecunditatis salutisque causa.

CAP: XII.

De Maris saluginis causa secundum diversos.

CAP:

CAP: XIII.

De Maris falsuginis vera causa.

CAP: XIV.

Quæ Loca feracitate Salis maximè redundant.

CAP: XV.

Quomodo omnes Sales, quòd Sales sint, cognoscantur, & qui præ ceteris eligendus.



CAP.



CAP. I.

Sal quid, quæ ejus facultates, ex quibus Elementis constet.

Dum ad universas Salis prærogativas enumerandas, ejusque mirabilia explicanda, eò, quò opus est ordine, devenire satago, ipsius in primis Naturam, & præcipuas ex quibus constas qualitates, tanquam totius propositi necessarium fundamentum, breviter describam, ex re esse censeo; Est itaque Sal mistus quidam ex terra, & Hu-
A
more

more succus, in falsum, vi Caloris saporem concretus, calidus facultate quidem, atque siccus, sed qui reliquas qualitates primas, aut latentes, aut inertes in se contineat, naturæ, ac conservationi rerum adeò utilis & necessarius, ut ad Animantium tum fœcunditatem, tum salutem, atque vitæ jucunditatem divinitus procreatus, omninò esse videatur.

Verùm ut ab his quasi Lineamentis Salis naturam ducam, eamque vivis quasi coloribus illustrem, varias Salis species, quæ videlicet, & quales earum singulæ sint, ad quodnam etiam summum Genus reducantur, primùm quidem necesse erit explicare.

Constat autem illas per quosdam quasi gradus, quos postea suis locis enumerabo, varietatem sumere, quamvis omnes quidem sub duobus Salis generibus fossili, & aquatili prorsus possint comprehendi; id quod ex ipsiusmet compositione, compactioneque satis apertè cognoscitur, nam quidquid est Salis, ex terra, & aqua, præcipuis mistorū
par-

partibus, coelestis vi caloris, aut concoquentis per se, aut ad concretionem aptantis coalescere, quinimò ipsum, & constipari frigore, & uti gelu concrefcere experimur, itaque omnis Sal fossilis, aut humore concrefcente, aut humidum terrâ exicante conficitur: Ideoque necessario mistum illum esse consequitur, non igitur ex sola terra, aut ex sola aqua sal componitur; neque enim ex pura aqua tam facilè liquefceret, neque ex pura terra, gravis adeo emanaret; quippe salem magnam terræ portionem convehere secum, Argumento est pondus, quo ferè cunctis aliis gravissimis corporibus æquiparatur, quade causa etiam aqua marina multò ponderosior est, fluyiatili.

Quòd saporem & salsedinem habeat, id à mixtione sicci cum humido provenit: non enim posset humor per se sapere, nisi terræ alicujus seu sicci permutatione, ac caloris qualitate quadam afficeretur, quæ sapor dicitur: is autem in sale vi caloris quasi per gradus quosdam conflatur, atque etiam distinguitur,

nam ubi permixtioni exiguus calor, isque frigore quodammodo superatus accedit, acerbos, austeros & acidos sapes, frigidos scilicet & incoctos gignit: Cùm verò in mixto calor frigiditatem, & humiditas siccitatem moderatè superat, dulcis ex hoc emergit sapor; si rursum calor magis invaluerit falsus sapor enascitur: quod si ampliùs augeatur ille, non solùm amarum, verùm etiam acrem efficit saporem: exinde sal sive quà calidus est, sive quà terrestris sive ab effectis, & genere, & differentia, semper siccus deprehenditur.

Sal ab aqua etiam altera ejus materiæ parte, ut sit subfrigidus accipit; ab ea enim suas utcunque refrigerandi vires mutuatur ex quo fit, ut in ignem injectus ei obsistat, cujus quidem resistentiæ, alias quoque causas in sequentibus explanaturus sum: verumtamen humidis in locis repositus, liquatione, facilique sui dissolutione, etiam invenitur perhumidus, imò sereno adhuc cœlo, spontaneâ liquatione salis, humiditas aëris prænunciatur.

Humidus igitur ex parte sal, etiam ex se calidus aëreus utcumque dici poterit: non equidem in ea sum sententia, in qua nonnullos esse video, qui Salem ex aqua & igne componi volunt, duarum enim sibi invicem contrariarum qualitatuum nulla unquam conciliatio fieri potest: quin etiam majorem inde levitatem Sal, in tam gravi materia contraheret, atque minores cum igne inimicitias, secus ac experientia comprobatur, exerceret.

Cum itaque Sal ex terra & aqua constet, ex aliorum quoque elementorum primis qualitatibus participet, quarum frigida & humida sic in eo desident, ut ipsis vix utatur, siccitate verò & calore suas ipse facultates & officia potissimum exequatur, sit ut eum calidum & siccum, ac proinde falsum esse colligamus. Nam reliquæ secundæ facultates salis, ab his, calore videlicet, ac siccitate tanquam à primariis falsendi causis derivantur, tametsi falsus sapor ita falsi inest, ut ille quidem non quasi extrinsecus adveniens, sed potius

A 3

quasi

quasi propria atque innata quædam
salis forma sit habendus ; falso enim
sapore amisso non minùs Sal esse desi-
nit, quàm Homo amisso ferè animo,
aut ratione.

Ut ergo apertiùs faciliùsque ad sum-
mam rei declarandam accedam, præ-
nòsse oportet hanc salis Vocem à nobis
interdicendum sic esse usurpandam, ut
per salem, non cibum per se, sed cibo-
rum saporem seu condimentum, quo
gustatui ac palato gratiores illi fiant, in-
telligamus.

CAP. II.

De Salis Excellentia.

*Quid Gustui præstet, &
quantà sit eidem affini-
tate junctus.*

Nemo quidem est, qui nesciat,
quàm non modò ad omnes cibos

condiendos Sal sit necessarius, sed quantâ etiam dignitate cætera condimenta omnia antecellat, itâ ut Regibus etiam, & Imperatoriam potestatem habentibus, non immeritò comparari possit; nam ut de inevitabili illius necessitate, & admiranda utilitate dicam, sinè Sale omnis ferè cibus est insipidus, Sal solus & unicus in omnibus cibariis appetitum excitat, & ex eo omnis victûs fit delectatio, & summa hilaritas; Sal itidem omnium saporum Dux est, & Conciliator, utilissimus & necessarius naturæ minister;

Quod itaque in oculis viriditas, in auribus tenor, in odoratione suavitas ac denique mollis in tactu tepor, suis quæque sensibus comparata efficiunt convenientiæ & rationis, hoc idem Sal conditissimo sapore suo, gustui suavissimè præstat; Sal enim inter condimenta quasi medium quoddam, quo saporum sibi invicem contrariorum conciliatio fieri potest, existit: itâ, ut dulcia quidem, quamvis subtilius, quamvis etiam excellentius, ac redun-

dantiùs gustum commoveant , non tam æquè grata esse omnibus , ac neque tam variis commisceri Epulis sinè fastidio , quemadmodum falsa possint : solius quippe Salis est , cum omnibus omninò gustibus & saporibus , ùt dictum est , convenire , atque inter hos tot etiam differentias , & condimentorum proportionem reperire.

Quot inter alios sensus , hos moventia solent inveniri , tot in gustu visalis excitamenta & illecebræ quoque reperiuntur : unde non insulsè Plato , obsoniorum artifices , perfectos ciborum magistros effici posse dicebat , si , quas Musici inter harmonicas vocum differentias & rationes , quò auribus consonantiores essent invenerunt , similes illi inter sapes arte suâ inquirentes , gustui magis proprias , utpote quæ omnium suavissimæ sunt attingerent ; necesse enim est sensus inter se omnes convenire , atque ipsamet saporum extrema , quantumvis inter se discrepantia , ac neque ratione ullâ cum gustu convenientia , solius quidem salis
inter-

interventu , & conciliari demùm & gustui reddi per quam suavia: ùt hinc planè appareat , quanta sit salis Majestas, & præstantia inter sapes, quantàque ipsius cum gustu affinitas & conjunctio, exinde sal humano gustui, sensuum delicatissimo , ità sit pergratus, & quasi proprius, ut nè ex ipsius quidem usu frequentissimo cuiquam reddi soleat ingratus , id quod probabiliore adhuc ratione , Salis Excellentiam vehementer extollit.

CAP. III.

Cur Sal Auro & Gemmis sit præferendus.

Sal præsertim fossilis, natales suos ad subterraneorum metallorum genus refert; adeò quippe simul, ac secundùm metalla adnascitur, ut horum ferè nulla sinè Sale, naturà coagmententur, sic enim dicitur, non

longè à vena Salis, metallorum venas inveniri; nulla namque metalla sunt, quamlibet solida, quæ sinè Sale concrecant, aliâque subterranea, juvante vi Salis, firmissima, perpetua atque incorrupta evadunt.

Etiam Uniones inter Margaritas præstantissimos, qui mari innascuntur, occasione falsuginis, terrestribus gemmis solidiores, & pretiosiores emergere, notum est: Concharum enim sunt partus, qui mari excepti, ejusque falsugine educati, durescunt tantopere, ut individui fiant: nam referente Plinio sæpè fit, ut cùm Unionum matres Piscatorum curâ sub mari capiantur, tamen ab earum visceribus foetus extrahi non possint, priusquàm illæ in vasis fictilibus multo sale obruantur, erosâ enim carne nuclei corporum, hoc est uniones, in ima decidunt; atque inde constat falsuginem, non solùm educandi atque consolidandi uniones facultate esse præditam, verùm etiam in eorundem ortu, & partu, quasi obstetricis officium exercere.

Nam

Nam quod ad metalla attinet, cùm pervaria multipliciâque sint horum genera & differentiæ, neque proprias, sive peculiâres singulorum rationes quibus à sale superantur, paucis explicare possim, Aurum Metallorum præstantissimum atque pretiosiores gemmas, tantummodò cum sale depugnaturas in aciem proferam; neque enim de summa victoriæ, atque virtutis laude desperat, qui Ducibus ac primariis hostium devictis, de reliqua Vulgi cœde non curat.

Aurum & Gemmæ, quò & duriora, & diuturniora sunt, ac varior est eorum usus, eò pluris fieri, majorique in pretio haberi solent, quâ causâ tum ad usum, rerumque copiam comparandam, tum ad perpetuò retinenda exigua in re, & temporum & Personarum clarissima monimenta, & in numismatis aptissima fiunt; Verùm hæc cum & externa, & adventitia sint, licet Vulgi opinione majoris illa quàm par est, æstimentur, si cum intima atque innata facultate salis comparantur, longè profecto

fecto erunt posthabenda: qui enim aurum ob raritatem paucitatémque commendant, aut foveant avaritiam, aut foelicissimam rerum copiam, misera cum inopia commutant, quinimò ad turpe compendium aliorum calamitate & jacturâ adhibent.

Hanc ipsam æstimationem gravioribus ex causis, ac multò etiam honestioribus, quàm aurum, adeptus est sal, constat enim apud orientales Gentes in Provincia dicta Kalikut, quæ Magno Cham est subjecta, Monetam justiprobatique ponderis ex Sale conflari, quam sic efficiunt; Salem coquunt in Lebetes, post verò massulas in formellis cogunt, quas consolidatas pro moneta exponunt: id etiam faciunt Æthiopes, apud quos, prout illi qui loca illa pervagantur, differunt, Sal tanti habetur, ut Incolæ sale, non minùs quàm nos probatâ aureâ, vel argenteâ pecuniâ, rerum omnium mercimonia, atque ipsum etiam aurum redimant, operas & salaria solvant; ad hæc, olim apud Priscos, Latinorum Patres, stipendia, quæ Militi-

litibus, Famulis & Operariis, ab impensa servitute solvebantur, salaria dici solebant, non tantum ab eo, quod ita necessaria sint, ut homini sal (velut nonnulli interpretantur) sed ab ipso nummario usu salis, qui pro justa laboris mercede, ac vel aurei stipendii loco, tum erogabatur; Siquidem simplex illa ætas, quæ mortales paucis contentos faciebat, & quæ, non cum auro sed cum sale, atque illius commutatione, eo mercimonio, ut dixi, cætera ad Convictum necessaria, utcumque sibi, ut nos auro comparabat; nè utique salem, cujus nummarius usus longè fuit antiquior atque prior, auro posthabeamus.

Quæ etiam eximiæ, ac plus quam aureæ & præcellentes salis virtutes, & facultates, satis Principibus innotuerunt, ita ut Vectigalia sive Tributa Salis, eisdem fierent præ cæteris longè chariora: quinimò ab eo summo Salis censu, quo ferè Sal par est Auro, sunt, qui non abs re sentiant, omnes in univ-
ersum salinas, non minùs quàm auri, argentique & aliorum metallorum fo-
dinas,

dinas, ad solos Reges, idque Jure, pertinere; ideò salem inter Jura Regia, quæ Jurisperiti vocant Regalia annumerant; unde mirandum non est, Reges publicam Salis distributionem, quando id antiquo suo jure faciunt, inhibere, & tam exortas, quàm exorientes ubivis salinas, aut impedire, aut coëmere à subditis, aut usu omninò interdicere.

Cujus quidem rei summa ratio, ac institutum esse videtur, ut ejusmodi mercimonio subditi non locupletiores evadant, & Popularium animi non ad commotiones, repentinásq; conspirationes proclinent: quâ causâ Reges hanc ipsam salis distributionem, nunquam nisi ad extremum malorum redacti Populis permittunt.

Hoc idem pertentâsse fertur Demetrius, olim Rex Macedonum, imminente sibi exitiali Bello ab Alexandro Rege Syriaco; cùm enim ille Judæorum Gentem multis jam annis haberet stipendiariam, quò eorum animos, alioqui ab Alexandro suscitatos ad defecti-

onem,

onem, arctiore vinculo retineret, inter tam multa, quæ Regiâ Magnificentiâ digna se illis elargiturum scripsit, pretia, sive Tributa Salis condonaturum promisit;

Sed hoc antea, prout sacris etiam monumentis testatum est, ab Artaxerxe Assiriorum Rege, eidem Genti ad Salomonis Templum instaurandum, multo magnificentius erogatum fuisse legimus: is enim, divino actus instinctu, captivis omnibus manumissionem, atque, ut in Patriam redirent, Urbemque & Templum sanctum denuò exædificarent, liberalissimè concessit; Atque Esdre magnum tunc illorum Sacerdotem, ut quidquid materiæ ad eam structuram opus esset, exigere possit, amplissimo donavit Diplomate: in quo cum Auri, Argenti, Tritici, Vini, Olei, Lignorum, & aliarum rerum immensam ferè mensuram, numerum, & pondus expressisset, ut tandem Regio se ipsum splendore superaret, cum ad salem est ventum, sal inquit absque mensura; exinde sanè celebrem vim ac æstimationem

tionem falis, aurum superare, colligere licet.

Quod si post aurum, pretiosiores gemmas in eandem contentionem devocemus, atque vulgarem earum æstimationem, cum ea quæ de Sale ubique esse solet conferamus, nullo profectò pretio dignæ illæ habebuntur præ sale.

Nam primùm quidem gemmarum paucitas seu infrequentia, non tam eas efficit commendabiles, quàm, aut venditio, aut mercimonium, aut avaritia; nequaquam tamen cum auro comparandæ sunt, cùm neque facilè fieri ductiles, tractarique possint, nec ad pervarios mortalium usus, perinde atque aurum accommodari; nam si commodum & communem illarum usum spectes, quid aliud quæso in eis comparandis plus inest boni, quàm summum cum labore dispendium in acquirendis, quàm sollicitudo in custodiendis, quàm ostentatio in perfruendis, quàm vel dolor, vel major rei familiaris jactura in amittendis. Quas rursus si ad usus vitæ necessarios & sublevandam mor-
ta-

talium egestatem expetamus, profectò neque in victum illæ, neque in vestitum, aut per se, aut pari rerum commutatione converti possunt, idque ex eo planè, quòd aut illarum pauci reperiantur emptores, aut multò minori pretio, quàm fuerunt coemptæ, eas vendere oportet;

Nec verò hanc ipsam vicissitudinem his tantummodo gemmis accidere compertum est, quæ nullâ famâ, neque multorum celebratâ commendatione à mercatoribus, atque id genus hominibus retinentur, sed iis etiam, de quibus summa ubique terrarum pervagatur opinio, quæque apud Reges, & summos mundi Principes, amplissimam consequutæ sunt æstimationem:

Hanc ipsam sortem expertus est grandis ille & insignis Regis Galliarum Carbunculus, quem Pyropum vocant, magnitudine & splendore incredibili, totò ferè terrarum orbe, adeò celebri famâ notus; hic olim apud Alphonsum Primum Neapolitanorum Regem tanta fuit in opinione, ut Amuratho, Principi Turcarum, Trecenta Millia aureo-

rum pro illo offerenti, quamvis in summa belli difficultate atque auri penuria fuisset Alphonfus, nequaquam vendere voluerit; postea verò Francisco Primo Gallorum Regi, pro viginti quinque millibus aureorum concessit.

Verumtamen, quoniam horum æstimatio, opinione potius, quàm usu: imaginatione, quàm necessitate, atque intimâ demum rei qualitate perpenditur; variis pretii, atque æstimationis vicissitudinibus, pro temporum varietate, próque emptorum facultate & arbitrio, obnoxios illos fieri necesse est.

Quæ cùm ità se habeant, non à copia, non à paucitate, aurum & Margaritæ, ut Vulgus opinari solet, neque ab æstimatione, neque à necessitate, non denique à soliditate, majorem nancisci possunt æstimationem: in iis quippe omnibus à Sale superantur; Quid ergo in illis boni relinquitur, quo præstantissimum salem oppugnare audeant? Non equidem impugno illam, quæ in auro ut vocant potabili, margaritisque, quæ præstantissimis & maximè præsentaneis

remediis, latet virtutem medicinalem, mirum tamen est, quantum hac in re, sal, non modo aurum & margaritas, sed se ipsum profectò superet; est enim sal tantus tamque præcipuus & necessarius ad ejusmodi Auri potabilis confectio- nem, ut nulla ferè sinè illo fiat auri re- solutio; etenim, si Philosophis credere fas est, nullam auri potabilis præparati- onem sive liquationem, absque Sale fieri posse, certum est ex eo, quòd omnis dis- solvendi Auri Vis, in Salibus consistat, tametsi ad hanc auri liquationem perfi- ciendam, socio & administro aceto Sal opus habeat: iis quippe duobus tantum rerum domitoribus succis solùm colli- quescit, atque potui aptatur aurum; Unde colligitur, aureas, seu quantumvis licet eximias auro, & gemmis concessas naturæ munere facultates, præ iis, quæ in sale nitent, longè retrò esse ponendas.

Ut igitur universa in pauca confera- mus, id concludere argumento licet, quòd commendatam quidem auri pau- citatem, suâ copiâ sal excellat, & rursum illius copiam, major hujus usus superet,

vicissimque hic, corruptionem à rebus tollendo, incorruptam illius soliditatem exæquet; huic adde, gemmas, cuncta etiam Metalla, aliâque subterranea, sive quæ mari, sive quæ terris innascuntur, etiam universos lapides, cum eorum innatis facultatibus & usibus, à Sale longè superari, atque ad omne Vitæ compendium, Sali demum universa posthabenda esse.

CAP. IV.

Quibus de causis Sal sit summo honore afficiendus.

Honorificus Sal, non metallicis, non inquam gemmeis duntaxat, de quibus brevi triumphum aget, contentus est, sed humanos quidem, sed civiles etiam, tanquam de Republica valdè benè meritus, promeretur honores; nam si eam, quam ex suo ipsius usu per-

pernecessario authoritatem, & apud mortales æstimationem obtinet, tótque in humanam Rempublicam ab eo exhibita munera & officia consideremus, non honoribus modò, sed summis profectò laudibus nobis erit cumulandus;

Nec videri debet absurdum, quòd humanos atque civiles honores ipsi tribuamus, nam quòd eum pro tantis ejus in humanam Rempublicam benefactis summo aliquo honore atque laude dignabimur, id nobis jam & prisca innuit ætas, & modernarum demonstrat ejus æstimatio nationum, tanto quippe in honore & pretio fuit apud Gentes, ut se jam cum mortalibus, haud ineptâ ratione atque æstimatione comparaverit. In Africa Nigritarum Gentes, ità se sali, ut quidem Servatori Numini devovent, ut ei reliquam pietatem posthabeant: non tantùm enim pretiosissima quæque terræ bona, quæ possident, sed Parentes etiam, Liberos, Uxores, se ipsos denique, suâque omnia unà cum Patria, Negotiatoribus pro sale redimendo tradunt, atque inde fit, ut maximus

Æthiopum numerus quotidie in **Hispaniam** & **Lusitaniam** exportetur, id autem meritò & gratiâ salis fieri, vel ex eo liquet, quòd hæc ipsa inopia salis, quæ **Nigritas** suæ patriæ facit desertores, salis negotiatoribus, veræ fidei **Christi** propagationem, & terrarum foecundissimarum culturam, sinè impedimento procuret, unde reliquis planè rebus **Salem** præferendum esse, nec sinè injuria negari potest, cùm & sacer ille **Ecclesiasticus**, in ea, quam describit necessariorum vitæ decade, **Salem** inter præcipua connumeret.

At verò **Salem**, totius **Reipublicæ** **Epularis** gubernacula gerere, **Solium**, in quo ille ornatu propè **Regali** mensæ præsidet, clarè ostendit : nam sicuti humanum cor, omnium sanè membrorum præstantissimum, non in capite, neque in pedibus, sed in medio corporis collocatur, quò promptiùs vitales inde spiritus in universum corpus diffundi, atque singulis membris ex æquo distribui possint, sic etiam **Sal**, obsoniorum nobilissimum, medio mensæ ponitur, tum ut
 aqua-

æquabilis fiat ejus aditus discumbentibus, tum præcipuè, ut ipsam, quâ pollet facultatem excitandi gustum, subsequenter impertiatur; Atque ut præpotens Rex, non in cornu extremisque Regni terminis, sed interiora petens, Regiam à finibus æquè distantem, & Majestatis Solium in medium sibi constituit, quò faciliùs totius regni administrationem inde gerat, justitiámque & beneficentiam omnibus æquè dividat, ità etiam ratione esculentorum Præsidis salis, in struenda mensa evenire videmus, ea enim omnia, dispari indecorâque Salis collocatione, ob inæqualem mensæ ambitum evitare oportet, ac vel ex eo maximè, quod ob disparem discumbentium confessum, & alicujus distantiam ab ipso Sale, quandoque hujus excipiendi causâ fiat, ut inhonestâ quadam brachii unâ cum toto ferè corpore projectione supra mensam, sal, tum loco irreverenter dimoveatur, tum suo etiam subinde exturbatus Solio, in eandem aliquando portentosè effundatur, quod à nonnullis pro infelici omine

capi, notum est, ità, ut quasi quoddam
nimis offensum mensæ Numen placatur
ri, effusum Salem cum veneratione col-
ligant, cujus vitandi portenti causâ non-
nulli peregre regiè sibi præcavent, prout
non Romæ modò, sed etiam in Hispania
conspicitur, quibus ex usu est, salina
plana, ac lata, & quo stabiliora sint, ac
neque everfionibus obnoxia, quadrata
illa, sive quadrato ex pede conficere;
Præterquam, quòd neque digitis, ne-
que offâ Salem ipsi, nisi gladio è salino
excipiant, ut antiquissimam, ac cum
Religione conjunctam Hispanorum re-
verentiam erga Salem referant.

Verum est, tantus habetur respectus
ad Salem medio mensæ locatum, ea in
conviviis summa de ipso ratio ac Reli-
gio, ut non minimam vim ad pacandos
Epulantium animos habeat Sal præsens.
Etenim ubivis inter convivas, semper
fuit vitio datum, si quis vel sobrius, vel
ebrius Vinum suffundens in mensam,
splendidum mapparum victorem ma-
culavit;

Quo casu perinde, atque effuso humano sanguine, olim Romanorum oculos in conviviiis vehementer offendi solitos fuisse intellexi, idque cum variis ex locis, tum maximè ex historia Quinti Sertoris Senatoris Romani, huic enim tam strenuo Hispanorum Imperatori, Viro alioquin frugalissimo, apud Oseam perinsignem Hispaniæ Urbem agenti, ejusmodi Vini respersio, maximo atque fatali in odio fuit, usque adeò, ut convivæ, qui in ejus necem conspiraverunt, non aliam occasionem captârint, ut illum provocarent, quàm fictâ ebrietate Phialam Vini in mensam effundendo, id enim erat signum conjuratis datum, quod, dum ille exprobare vellet, commotâ rixâ ab eisdem oppressus fuit, tam obverso quippe, atque subirato animo invehi utique solebat in ejusmodi effundentem, & mappas maculantem.

Verùm candidus, ac pacificus mensæ deprecator Sal, medius, & ad manum inventus, protinùs impendenti malo occurret; nam si mox maculis inspergatur, eas non modò obtegit, paulatimq;

exsiccat Vino diluit, verùm etiam mappis pristino ferè restitutis nitori, pacatos reddit convivarum animos; Quin imò ingenium ille omninò Regium & Majestàte plenum præ se fert; nam prout solent Reges vestibus quandòque aut pretiosissimis, aut, quo appareant humaniores, nimis vulgaribus indui, mediocres verò tanquam valdè communes, ideòque Regio indignas fastu despicere, simili ratione Sal puritatis gratià potissimùm aut aureis, aut fictilibus omninò salinis vult insidere, cùm si vel argentea hæc sint, vel cuprea, vel stannea, vel ejusce generis metallica, ea protinus, ut videre est, quâ valet facultate corrodit, obscurat, atque mordicus, se tanquam indigna, deformat.

Est enim Sal mensæ Rex, naturæ Dominus, proptereà, quòd tam vigilantissimi Patris, quàm beneficentissimi Principis munere in mensa fungitur, siquidem esculentorum omnium, quæ apponuntur, idem ipse primus est, atque illorum antesignanus apparet; ut suâ certè vi ac facultate, non modò saporum

porum, sed salutis etiam antidotum præferat iis omnibus.

Ut enim Sol, Dux & moderator rerum, quæ in mundo sunt, non solum corporibus cœlestibus splendorem communicat, sed etiam peculiare eorum vires, quibus in nos illa agunt, ut melius atque efficacius imprimant, optime disponit & præparat, ita sal, ut condimentorum suavissimus, esculentis commixtus, non efficit modò ut hæc gustui benè sapiant, verùm etiam nutriendi, atque reficiendi facultates, quæ ipsimet insunt, esculentis communicando, facit, ut illa stomacho eò magis atque universo corpori conducant.

Idem ipse Sal, est quidam quasi mensæ Lucifer & Hesperus; ut enim is Solem & stellas ante & post graditur, Sole interim omnia collustrante, ita unus atque idem Sal, & obsoniorum primus apponitur, & ultimus à mensa removetur, & intermixtas intereà epulas, continuò sapore suò, quasi splendore perfundit.

Denique, si parva licet componere

ma-

magnis : neque major Imperii ratio ,
neque augustior aut religiosior obsequii
& honoris vis Regibus tribui solet à sub-
ditis, quam mortales Sali debent.

CAP. V.

De Salis Viribus.

Sal, plusquam ferrum , potesta-
tem suam virésque intendere
solet.

Tradunt enim Hannibalem, sum-
mum Cartaginensium Ducem, cùm ex
Hispania innumerum penè Exercitum
in Italiam duceret, ut ventum est ad Al-
pes, aliquot ibi juga montium offendisse
insuperabilia transitu, in viâque, ac nè uni-
quidem militi, nedum tanto pervia exer-
citu ; sed hæc cùm nec ferro perfrin-
gere, nec arte aliquâ aperire posset, sale
demum & aceto, saxa ac rupes excavasse,
atque in hunc modum per iter sale aper-
tum, universas copias transmississe com-
perimus ; quam tanti Ducis gloriam,
at-

atque perpetuum ejus transitus monumentum, litteris in ipsis corticibus inciderunt.

Quam certè tantam, tamque immanem vim, salis & aceto inesse ad perumpenda saxa, confirmata experimento ratio declarat: nam terrâ aspersâ aceto, ignea vis salis accenditur, atque in resistentem quamque materiam exardescit, ac non in saxa modò, sed in ipsum ignem usque adeò insurgit, atque inhorrescit ille, ut in piram injectus continuo crepitu subsiliens, gladiatoris more, quasi ferro, flammam hinc inde disseccare, hancque donec sufficit impetere non cesset; quò fit, ut ardenti atque exundanti flammis superiore camino, nullo neque promptiore, neque commodiore remedio, ad illius incendia compescenda, quàm Sale, occurratur.

Quæ tanta vis Salis adversus ignem, quòd nempe perexiguus ille in Sale inclusus impetus, sive calor is sit, sive humor, taliter accensum in summo camino ignem restinguat, & coërceat, non in admirationem modò, verùm in ulterio-

rem

rem etiam nos allicit ejus rei causæ indagationem: Quam si penitiùs scrutemur, nulla alia profectò causa est, quàm quòd continuâ penetrantique repugnantis salis agitatione & succussu, cum dimissa, dispartitâque inferiore flamma, tum ab hac, quasi à suo fomento, aversa superiore, fiat, ut percussus subinde aër ignitus ac spirituosus, præ angustia loci, magno quodam impetu in sublime feratur, ex quo, fuligine, cui flamma inhærebat, à summo excussa camino; perinde ac convulso fundamento, sequitur, ut auctore sale prorsus corruat atque restinguatur incendium, & sic sal præpotens, Regio propè More in effrænem, ac superbientem ignem excandescens, illum suo tandem Imperio subigit.

Sunt etiam aliæ quædam salis species, illæ vulgò Salis nitri nomine insigniuntur, atque salis acrimoniam in summo gradu referunt; invenitur etiam aphornitrum, quod terræ quasi spuma quædam & sudor est, atque Nitri & Salis particeps, quæ species ad hanc classem redigendæ sunt, Salis enim naturam, ejus-

ejusque conficiendi modum sequuntur, & eodem modo inveniuntur, præsertim in locis falsuginosis, uti etiam, id quod arte fit, eò planè ordine, quò Sal fieri solet, conficitur; Aquâ nempe salinis infusâ, atque exsiccata: Salis quoque quandam præpotentem vim igneam & pungentem acrimoniam, non tamen saporis suavitatem, atque benignissimas illas facultates in se continet; quamquam in aliis locis Nitro redundantibus, ut Ægyptii, suò Nitro raphanos aspergunt, non aliter atque nos sale ad comedendum; unde jure quidem ipsum inter salis species adnumerari potest, cum sal earundem virium, atque ejusdem ferè esse naturæ cum Sale nitro, inveniatur: de quo illud profectò admirabile est, quod in locis frigidis atque humidis enatum, igneæ tamen naturæ sit, nam facultate calidum ac siccum est omninò; demum id longè mirabilius, quòd immersum aquis, cum tandem liquefiat, antequam tamen igneus illius vigor extinguatur ac deficiat, tantis agat viribus, seque adeò generosè defendat,

fendat , quò minùs nisi à frigidissima aqua , tanquam à provocato à se hoste pervincatur , præsertim si æquò inter se Marte pugnetur ;

Verùm ut clariùs id patefiat , perpulchrum quoddam certamen instituentum est inter ipsum Sal nitrum & ejus competricem aquam , si modo in vas aliquod , tanquam in arenam ambo descendant , atque æqualibus armis , suis videlicet privatis qualitatibus præmuniti , servatâque proportionem commisceantur , jamque citatâ continuatâque agitatione , quasi ad pugnam provocati manus conferant , jucundo spectaculo Salem nitrum palmam de aqua referre videbimus , qua ex pugna fati nobis victoriæ loco cedet , causas aperuisse , cur aqua , licet tepida , Sali nitro permixta , frigidissima , ac propè glacialis evadat .

Hanc etiam refrigerandi vim , quamquam non ità vehementem atque in sale nitro , at multò diuturniorem ac constantiorem in Sale , observantes figuli , massam ex qua fingunt vasa ad refrigerandum potulenta , Sale congruò consper-

aspergunt & subigunt, propterea quòd sal argillam, perinde ut calx arenam astringat, massamque melius conglutinet ad perennem vasorum conservati-
onem, ac nè erucis scateant, constipet, sitque inde, ut aqua, atque alii etiam li-
quores vasi inclusi, simili vi salis salini-
treâ frigescant.

Non dissimili adhuc experimento salis facultatem ad refrigerandum colli-
gunt mediterranei, in locis campestri-
bus siti, quibus præsertim Solum siccum
est, neque in eo humor, nisi terrâ altis-
simè defossâ invenitur; quamobrem
æstate maximè, cum nullis interdiu ma-
rinis auris refrigerentur, sed exæstuante
Sole, siti, & calore graventur, puteos sibi
effodiunt, quos vocant siccos, in qui-
bus vasa reponunt ad refrigeranda po-
tulenta, quæ, ut frigidiora fiant, salem,
præcipuè fossilem, in fundo putei, vasis
substernunt, cujusmodi refrigerandi
usus frequens est; ex quibus apparet
eandem refrigerandi vim & facultatem,
quanquam non æquè vehementem ac
repentinam Sali, tam benè sicuti salini-
treâ

tro inesse, ac etiam ubi salis nitri nulla est copia, sale illius loco aquæ permisto agitatóque effici refrigerationem.

Deinde post sal nitrum non multum abfimile ipsi sali est sulphur; neque equidem insulsè tam nominis quàm rei essentiam explicant ii, qui sulphur quasi salis furfur seu recrementum dictum putant, idque ex eo maximè, quòd igneas & severissimas salis vires, in igneis & bituminosis terræ fodinis confectum, atque ex falsa materia vi ignis excretum, in summo gradu retineat. Etenim ex falso succo illud elici, atque ex falsis maris exhalationibus perpetuò generari, tametsi saporem falsum in concertione amiserit, magno argumento est, quòd in locis maritimis abundè nascitur, parum tamen in mediterraneis; nam in illis præcipuè Insulis oritur, quæ Cavernosæ sunt, atque ità sub his cavernis perflabiles, ut & ventorum flatibus, & impulsionibus undarum maris pateant, quæque perpetuis etiam ac sempiternis ignibus torrentur, ut sunt in Sicilia mons Ætna & Vesuvius, & puteoli agri in Nea-

Neapolitano Regno, quæ cavernæ, cùm ejusmodi sint, sulphure mirum in modum illas abundare videmus

At verò, quòd à falsa maris aqua perennis materia suggeratur, tum ad sulphur generandum, tum ad alendum ignem, qui pro perpetuo est instrumento ad illud præparandum, quanquam nonnullis diversæ sunt causæ, una tamen sic conjecturando præcipua existimanda est: quòd aquarum ille maximus concursus, atque terribilis intuentium oculis maris pugna, qualis in freto siculo, à scilla in carybdim, concurrentibus tam ventis, quàm terrarum hinc inde promontoriis conspicitur, cùm humorem hunc ad ardendum aptiorem, tum ad penetrandum subtiliorem reddat, atque sic, undarum inter sese concursantium, ac dimicantium impetu, fit, ut secum raptum ventorum spiritum, quo exagitantur, eò deducant, eúmque in profundum trahentes, tam diu ibi suffocatum retineant, donec humefactus ipse ac incrassatus, cum oleosa salsugine, per cavernosa illa terræ spiramenta diffun-

datur, ut cum primùm ad intima bituminis, quo abundant loca, quòdque conflagrationi etiam aptissimum est, pervenerit, perpetuis illis ignibus, perpetuam secum ardendi materiam convehat, ibique tam diu delitefeat, donec exeundi nanciscatur occasionem; neque enim in tam angustis terminis aliter durare tot sæculis tantus ignis potuisset, quantus in Vesuvio & Ætna montibus, aliisque sulphureis ejusmodi locis apparet, nisi talibus maris fomentis & incrementis fuisset sustentatus, juxta proverbium: *Marina non infundenda flammis.*

Hujus itaque ignis fomentum & accessionem ex Sale, utpote mari provenire, permagno est argumento, flammarum in hisce sulphureis montibus tum fervor, tum accretio, & diminutio, quòd hæc proximi maris variam undarum agitationem sequi, & imitari videantur; Proùt etiam vicinorum agrorum tanta tamque continuata fertilitas, hoc ipsum apertè indicat, proinde non aliunde, quàm ex hujusmodi calore, seu potius humore calido, quasi vitâ, vegetan-

getantia quæque foveri augerique censemus ; inde quippe credere par est , Puteolano agro propè Neapolim , qui sulphureis hisce hiatibus atque suffitibus plenus est , tantam tamque excellentem inesse aëris puritatem , salubritatem , & incredibilem illam ubertatem , quâ dictum agrum semper perfrui videmus. Nec dissimilis ab ea est Siculi agri fertilitas , cujus vicini montis Ætnæi calor uti anima , in universarum stirpium vitam ac fœcunditatem erumpit.

Sed ut ad proximas causas sulphuris revertamur , sciendum est , quòd , cum falsum ejusmodi atque oleosum , ut dictum est , maris alimentum igni occurrat , ac se se intus cum bituminosa terræ materia commisceat , ignis humorem ibidem absumat ; inde sulphur tanquam terreus quidam ardor , ut furfur sive ignitum quoddam salis atque bituminis recrementum excernitur , in quo tanta inest ignea vis , & natura , ut fulgura fulminaque cœli , tam ardore quàm odore omnino referre videatur ; nam horribile dictu , quantam portentosis lētibus sulphur

phur sali nitro permixtum, exerat vim ac potentiam suam, satis probatam, ejus enim succensione, tum altissimas turres, tum munitissima & fortissima sæpè mœnia, summas quidem arces, miserabili ac horrendâ ruinâ dirui, atque solo æquari videmus, (mortalibus heu heu ità prompta vitæ instrumenta ad pacificam salutem, sicuti ad truculentissimum sui exitium & interitum excogitantibus.)

Quanquam hæc ipsa indomita ac nulli cedens tormentorum acies, potentissimo Sale, si quo alio medio retundi, atque edomari potest; etenim Plinius, prout emendatiores habent codices, Salem & Nitrum Sulphuri concoctum, in lapidem converti asserit, ex quo hunc Lytographi usque adeò coagmentari, atque indurari colligunt, ut, si arx aliqua eo muniretur, nullò propè tormentorum genere eam conquassari posse afferment, ex duritie & ex peculiari, aut ab exsuperante vi salis: idque ex eo probant, quòd Sal ignitas tormentorum sphæras suâ validâ firmitate sustinens, aut eludat aut repercutiat, propellâtque;

Quam-

Quamobrem vera certè est ac constans experimenti fama, in quibusdam Regionibus, quæ saxeo ejusmodi sale redundant, sùntque ardori solis adeò expositæ, ut in illis, cùm nullæ ferè sint humidæ exhalationes, Sal optimè concreseat, ac neque liquefcere soleat, domos atque muros lapideo ex sale construi fortissimos, ac contra omnem cœli injuriam, & externam quamcunque vim, solidos adamantinosque evadere, quales in Arabia ac in multis aliis nuper inventis locis, ferunt reperiri.

Jam verò subjectis hætenus per Salem & Elementis & eorum mixtis, atque tam artis, quàm naturæ machinis, quibus pro triumpho Salis supra omnia stabiliendo usi sumus; nunc rursus vindices ejus vires, in alios multò duriores montes, longèque elatiores vertices convertamus; quæ planè vindex atque severissima vis Salis, quò longiore usu, atque graviore legum omnium præscripto, in ultimum malorum exemplum adhiberi consuevit, eò clariùs demonstrat id non aliunde, quàm ab antiquissi-

mis oraculis , atque divino ex instituto emanâsse ; nam ad inferendam vindictam in ejusmodi Tyrannos , adhibitas fuisse Salis vires , apud Israëlitas passim sacra Monumenta enarrant , siquidem Abimelech , Sychimorum in Palestina Princeps , vindice vi salis usus est in populum rebellantem , dum expugnatâ urbe Sychimâ , ac universis civibus trucidatis , eandem evertit funditùs , & Salem in ea disperfit.

Etiam gravissima sed promerita pœna , quâ Uxor Loth , Viri justî , à divina ira punita atque vindicante Sale digno affecta supplicio , protinùs in salis statuum conversa fuit , fortissimum sallem , non solùm in communem utilitatem salutarémque bonorum omnium vitam & alimentum , verùm etiam in pessimorum vindicationem à DEO fuisse mortalibus concessum , apertè demonstrat.

CAP. VI.

De Salis Virtutibus.

Sal qualitate suâ habet in calore suo inclusum, tam cœlestem, quàm terrestrem hunc ignem, quo utimur, ideóque nec insulsè dicitur:

Ignæus est Salis Vigor & cœlestis Origo.

Ut si benignissimam ejus naturam penitiùs inspiciamus, non solùm ignem quò utimur fortiozem fieri, sed innatum quidem calorem, quò vivimus, foveri, augerique à Sale posse, experimento discamus; Sal enim naturâ calidus, innato calori cum alimentis adjunctus, summo se huic offert adjumento ad ea naturæ officia in corporibus exequenda, quæ vitæ ac salutis animantium conservandæ sunt necessaria, cum & perficiendæ concoctioni, quæ in ventriculo, & singulis corporis membris fit, valdè conducat, & celeriori inde excrementorum expulsionem profit quàm maximè, in his quippe duobus, tota ferè

benè se habentis corporis, & temperaturæ ratio atque habitudo consistit;

Quinimò frequenter fit, ut humores, quos præ nimia eorundem cruditate repugnantes, & quasi obstinatos, Sal nequit intus evincere, foras violenter expellat, unde consequenter eâ, quæ in Pustulas, seu quodvis aliud Scabiei genus transit eruptione, pravos humores secum pertrahens, quodvis minùs salubre à corpore expellit. Qua in re Sal calorem nostrum juvare, & redundantes humores reprimere, & perfectam sanitatem, quamvis lento gradu nobis insinuare contendit; Eo enim calore præditus est, qui ad percoquendum cruda sufficit, & alimenta ingesta vi fermentativâ coctioni ventriculi consentanea reddit; ipsa quippe falsa, parvo vel minimo calore indigere ad coquendum, Proverbio ostenditur: *Salsamentum vel igne visò coctum censerì*, unde, qui nauticam aut rusticanam vitam agunt, summâ caloris copiâ atque ventriculi firmitate præditos esse videmus; idque tam ex salforum usu, quàm ab exercitatione pro-

provenire, nemo est qui inficias eat, quoniam tam falsis crudis, quàm igne coctis carnibus atque piscibus vescuntur.

Virtuosissimus Sal, in eos qui laboribus insudant, se se multò beneficentiorum & salubriorem, quàm in molles & otiosos exhibet; Nam falsa non minùs ad salutem juvant, quàm ad bellum gerendum, & sustinendos agri labores, aliàque præclara vitæ munia obeunda: qua de causa ad sustentandos exercitus, rêmque frumentariam, salforum comeatus majori copiâ quàm aliorum cibariorum parantur, quòd nempe diutiùs conserventur incorrupta; quinimò hodie in confiniis Lituaniæ, Milites, quos vulgo vocant Cosacos, qui ab excursione hostium & latrociniis vivunt, & prædæ inhiantes pluribus mensibus in sylvis collocantur, non frumento, non alio quovis comeatu se se provident, præterquam sacculo salis, ex quo abundè sustentantur; indèque militum temperatura ac robur eo alimento firmiora fiunt, minimèque belli laboribus succumbunt;

Quam

Quam ob causam nautis , labores
plùs quàm Herculeos dies noctésque
sustinentibus, contra vehementissimum
duorum Elementorum impetum, fami-
liarissimus ac valdè necessarius est falso-
rum usus; nam eo quidem alimenti ro-
bore illi, non modò continuos labores
& vigilias perferre , sed longiùs etiam
ac diuturniùs Navigantes in constanti
sanitate conservari possunt, corporibus
nautarum salis ope comeatibúsque
salvis.

Hæc tam diuturna , & admirabilis
salis virtus & facultas ad conservandum,
non in compositis corporibus solum-
modò , verùm etiam in liquoribus, præ-
sertim pinguibus experta est ; quid enim
recenti lacte suavius, quid nè dulcius,
atque salubrius, nonne protinùs id pu-
trefieri experimur? quod ipsum si suffi-
cienti tamen sale adhibito condiatur,
an non diutissimè manet incorruptum?
per salem enim butyrum , alimentorum
valdè pingue, per annos multos conser-
vari, caseum verò senescere res manife-
sta est ; tradunt quippe hystoriographi
Zo-

Zoroastem, referente Plinio in desertis caseo vixisse annis viginti, ità temperato, ut vetustatem non sentiret, & inveniri caseos ejusmodi apud aquilonares, quibus ob redundantiam pecorini lactis, calore solis atque frigore aëris ibi optimè concrefcentis, & butyri suavissimi, & casei etiam vetustissimi frequentissime est usus, res est nullius dubii;

Demum ova gallinacea alimentorum temperatissima sunt, verumtamen in conservandis illis, & à corruptione tuendis mira deprehenditur virtus & natura salis, quâ ova ad multos menses incorrupta manere, terrâ marique experieris; quamobrem tum ab ea quæ fit per salem sui conservatione, tum etiam ab eorundem sale conspersorum gratissima suavissimâque sorbitione, ostenditur, magnam inter salem & ovum necessitudinem intercedere.

Postulat etiam Sal non solum modum, sed tempus idque valdè oportunitum ad probè congruèque salendum; maximè verò ad carniū condituram in olla, siquidem non parvi refert, quotâ

horâ coquus quotóque temporis articulo, ad carniū condimentum sit Salem immissurus, est enim experimento valdè comprobatum, ad primum ollæ fervorem misso sale, carnes multò conditiores fieri.

Quòd si contigerit ejusmodi comestus ut carnes, piscésque muriatos plus æquo ac nimis falsos esse, ideóque gustum offendere, facilè jam est ipsiusmet salis auxilio eos à nimia falsugine expurgare, aut aquâ marinâ, aut ubi hujus nulla est copia adhibito sale multo lebeti, ubi excoquuntur nimis falsa, sic enim compertum est, majori celeritate ab eis excerni falsuginem, quam, si dulci aquâ solummodò illa excoquerentur, quòd scilicet rebus affixus sal, vi caloris facilè attrahatur, & ab ipsismet rebus separetur. Quæ quidem vitæ compendia neque faciliùs, neque minori jacturâ comparari possunt, quàm falsorum copiâ; nullam enim rerum egestatem habent, qui falsis affluunt.

CAP. VII.

De Salis Beneficiis.

Absolutis his, quæ de Salis Virtutibus, quas in condiendis ac conservandis esculentis necessarias esse docui, dicere mihi proposueram, modò de Salis beneficiis restat dicendum. Quid enim Sale salubrius, quidque frugalius, atque in summo vitæ discrimine commodius, quàm quod ingeniosa necessitas, arduum aliquod desertum atque longissimum iter subituris, nobis pro tutissimo obtulit Viatico? quale utique expertos fuisse accepi nonnullos Viros Christianos, qui ab immanissimo Turcarum Imperatore apud Bisanzium Captivi tenebantur, seque à tanto servitutis malo impunè eripuerunt; nam qui se inde Pannoniam versus in fugam conjiciunt, atque ob vitanda novæ servitutis discrimina, per vastas solitudines, & loca avia, omnique prorsus occurstatione, & humanâ escâ carentia

habere

abire coguntur, nullo alio comineatu, se, quàm sale præmuniunt; quem, ut rerum omnium condimentum, & quasi antidotum secum ipsi portant, ut in fame quidem, aut glandibus, aut herbis, five harum radicibus, tametsi noxiis, commixto illo tutiùs vesci possint; sic enim crudum atque insuetum stomacho cibum sale conspergentes, tum à cruditate purgant, tum gustatui familiarem atque nutritioni aptum & congruentem reddunt;

Nam ubi Sal adest, neque igni, neque aquæ nobis omninò interdici potest, in quod enim Elementum faciliùs quàm in aquam sal convertitur? In Salino quidem liquefcens, futuram inde pluviam atque tempestatem prænuntiat; quia nihil aliud est Sal quàm aqua: nam hæc, si marina fuerit, tametsi gustui, & stomacho horrida, minimèque potabilis at illam five igne five medicamentis ex falfugine expurgari elixariæque, & pro magno navigantium comodo, ex falfa in dulcem ac potabilem converti posse didici.

Etc.

Etenim paucis ab hinc annis, necessitate & industriâ magistrâ, homines marinam aquam per elixationem, aut etiam destillationem, in dulcem potuîque gratam transmutare didicerunt, idque maximè apud Meningen, Insulam Africæ, Sirtibus proximam, ubi Hispanorum Exercitus terrâ marique à Turcis obsessus, atque extremâ aquæ penuriâ laborans, hâc unâ elixatione quatuor mensibus fuit sustentatus. Quin & eandem marinam medicamentis dulcescere, sive falsugine exui Venetiis repertum fuisse intellexi, Auctore Hebræo quodam, quem Senatus amplissimis muneribus donavit, tum ob communicatam sibi artem, tum maximè quòd idem auctor, nulli ultrâ mortalium se illam communicaturum promiserit, quod Senatus plurimi faciens, atque magno usui aliquando sibi fore credens, tanquam arcanum quoddam non divulgandum, sed sibi soli retinendum statuit;

Imò verò Salem uberrimum quandam naturæ fontem esse inveni, unde mortales cæterâque Animantia abundè

potu cibóque magno cum vitæ compendio refici possint; quæ tametsi naturæ consentanea, satisque manifesta sint, non tamen abs re erit tanti beneficii causas explanare, easque nonnullis exemplis atque experimentis confirmatas, in medium adducere; nam quod ad potum, atque reprimendam Silem attinet, id moris fuisse apud priscos notum est, ut miseris ex damnatione, violentam mortem subituris, nè supplicii metu ac horrore suis animi viribus destituerentur, fatali tunc eos siti torquente, refrigerii gratiâ, Sal cum aceto propinari juberent; ad hæc experimento compertum est in calidissimis Regionibus, ob nimium Solis æstus siti vehementer affectos, Sale sub lingua continentes, triduo, & eo plus, non sitim modò, sed & integram famem depulisse, utpote vi Salis à cerebro & à ventriculo salivam attrahente linguâ, ac respiratum aërem subinde humidum red-dente:

Cujus experimenti præclarum exemplum subjiciam, evenisse superioribus

annis, quò tempore Cæsar Carolus, huius Nominis Quintus, maximum ac potentissimum exercitum ab Hispania in Africam trajecit, ut Funetum Urbem florentissimam, olim ex ruinis magnæ Carthaginis à Romanis erectam, à truculentissimo Christiani nominis hoste Ariadene Mytileneo (Barbarossa, à nostris appellato) occupatam eriperet, quippe Sole tunc in Leone existente ac ad solstitialem orbem, cui ferè urbs illa subest, accedente, universis copiis salus & læta Cæsaris Victoria, uno die per Salem obtigit; nam cùm Cæsar, debellatis primùm hostium præsidiis, Urbem obsessurus accederet, Cæsariani ardore solis, atque infestissimo pulvere, tum maximè aquæ penuriâ, graviùs ardentiùsque sitire coeperunt, quo animadverso Cæsar, Salem omnibus distribuere, ac singula cuique grana Salis linguæ supponere iussit, quod Milites facientes, non solum sitim famémque die integro repressère. Verùm multò etiam animosiores eo effecti, congiarium hostem cum innumerabilibus copiis occurren-

tem fugârunt, simúlque è vestigio Urbem Victores ac ovantes intrârunt.

Sed neque minori hilaritate quàm Vinum, humana corda Sal recreat, delectat, & juvat; est enim naturæ valdè consentaneum, ut per quem esculenta & gustui, & stomacho grata fiunt, per eum & potulenta similia evadant. Est etiam cordi gratissimus, nam juxta Plinii aliorúmque sententiam adversùs serpentum morsus, qui rectà Cor petunt, in majore vitæ discrimine ac periculo, nullum promptius reperitur subsidium, quàm Sal. Salis quoque vis longè præstabilior est quàm Vini vis & natura; Vinum enim facultate suâ aut palato jucunditatem, aut stomacho vigorem, aut cordi hilaritatem afferre potest, hoc equidem & Sal facit, & præstantiùs facit; Sal enim vel ipsi quidem Vino perutilis est, ac suavi condimento: nam si impurum aliquod acidúmque, aut nimis austerum ebiberis, salsa modò esculenta antea sumpseris, illud gustatui gratiùs, atque ex insuavi aversóque optimum reddideris;

Illud

Illud etiam sententiæ nostræ robur addit, quòd licet quidem frequentior majorque sit in orbe terrarum pars hominum, qui aut naturâ, aut casu, aut insolentiâ, aut Religione à Vino prorsus abstineant, at verò nulli sint, qui Salem non valde appetant, ac summo ipsum studio conquirant, eique, ut saluari suavissimóque succorum semper indulgeant; præterea, neque falsis, quantumvis frequentatis, mediocriter utentes mortales, in morbos incidunt, nisi cùm illos creat violenta ebrietas, quam malorum Hydra Comes sequitur.

CAP. VIII.

Quantum Sal humanis corporibus valeat.

Valdè compertum est, Sole, atque Sale, nihil humanis corporibus salubrius; ut salutem non minùs à Sale dictam quàm à Sole ductam censeatur.

Verum Sole interim omisso, qui rebus omnibus vitæ atque salutis origo, summa, & fons est: Salem post illum, primas totius incolumitatis humanæ partes agere, & perfectam sanitatem humanam non modo dare, sed retinere & conservare ostendam.

Nullum est dubium hominis vitam ut reliquarum etiam animantium in calore & humore à principio constitui, & humorem esse continuum caloris Pabulum, non minus, quam ignis est oleum in lucerna, quo deficiente, etiam ignis deficit, ac rursus, si addatur illud, reviviscit; sic etiam humore languescente languescit in animali calor, illoque iterum augescere major efficitur; sed quoniam natura ita constituta est, ut illius consumpti humoris æqua vix fiat instauratio, ac neque justa compensatio, hinc est, quod in animantibus tam præproperus ætatis decursus, tum maximè ingravescentis senectutis matura indies acceleratio sequatur.

Quid enim prohibet hominem, perfecto enatum temperamento, amcenis-

simo

simò in loco degentem , temperatissimisquẽ tum auris, tum alimentis enutritum , nec non ab omnibus sibi noxiis abstinentem, hunc aut perpetuo vitæ cursu aut plurimo saltem intervallo temporis, in tanta posse perstare sanitate, eaque perfrui felicissimè ? Cujusmodi fuisse creditur Mathusalem , quem humorum compositione ac symetriâ, membrorum robore, innati copiâ caloris, atque constanti demum sanitate annos circiter millenos attigisse , neque ullô vitæ suæ tempore ægotâsse comperimus;

Non ergo infirmæ, impotentisque naturæ culpâ fieri dicendum est , quò minùs homo in præcipua & summa quâ conditus est sanitate persistat , sed potius vitio intemperiei sive loci, sive aëris in quo vivimus, sive alimenti, sive nostri denique soluti vivendi moris censendum est evenire.

Nam in Regionibus temperatis, vel à temperie versus frigidam labentibus, præcipuè montibus, ac juxta mare sitis, non paucos invenire est , tam robusto enatos temperamento, ut vitam ducen-

tes saluberrimam , annum trigesimum supra centesimum computent ; qui sæpè totò etiam suæ vitæ tempore stupentibus Medicis perpetuam sanitatem agant, nullâ prorsùs aliâ medicinâ , neque frequentiori pharmaco usi , quàm optimâ temperamenti atque boni , lætisque genii acuratâ conservatione , & asuerâ potissimùm ab infantia marina mersione , quâ duriora ac veluti cornea , qualia piscatorum esse videmus , corpora redduntur ; cutis enim & spissior & solidior saliturâ efficitur : nam eâ ipsâ usos fuisse antiquos ad roboranda corpora , & mox natos infantes salire consuevisse palàm est.

Ex eo etiam in maritimis locis, præsertim montanis augescit sanitas, quòd frequenti continuâque undarum in prominentes scopulos jactatione , fervens spuma circumfusum aërem expurgat , & reddit puriorem. Quo fit , ut hoc ipso aëre fruente non minùs puris ac lætis spiritibus, quàm optimè concertis ac roboratis corporibus constent , atque diuturniorem quàm alibi vitam traducant ;

ju-

juvat enim eos, quàm maximè perpetua hilaritas, quam ex continuo ab alto prospectu & contemplatione maris percipiunt, quod suâ nativâ motione atque glaucô congruente oculis colore aspectui animôque spectaculum præbet jucundissimum.

Hæc sanè Liguribus in Italia manifesto usu veniunt, qui similem locorum situm incolunt, atque esculentis falsis non mediocriter assuefiunt, unde quantâ quàmque integrâ sanitate sint, facile est colligere ex pereleganti, quâ præstant corporis habitudine, ex pleno membrorum robore, ex roseo suffusôque splendore oris, tum festivâ foeminarum venustate ac pulchritudine, tum demum ex admirabili utriusque sexûs foecunditate; neque enim harum rerum, præsertim nativæ pulchritudinis, tam similis per genituram à Parentibus in Filios fieri posset traductio ac etiam conservatio, nî tam firmâ plenâque illi sanitate constarent: siquidem venustas & corporis pulchritudo, nequaquam discerni possunt à valetudine.

Verùm hæc omnia propter loci situm multò excellentiùs consequuntur Veneti, qui florentissimam ac omnium saluberrimam urbem medio in mari incolunt, eodem pacatissimo mari non solum tranquillam, atque pedestri aditu prohibitam stationem, ut inexpugnabilem, obvallante, verùm etiam firmissimam sanitatem, à purissimo ac veluti per angiportus efflato aëre cunctis exhibente; quos cæ etiam de causa, in tam frequenti mortalium ab universo confluentium orbe, pestis, seu alii gravissimi morbi, perrarò solent invadere, & si invaserint, facilè est universos propellere.

Sunt etiam pleræque aliæ Insulares Regionες, quæ à maris vicinia, non minùs quàm & congruentem aëris salubritatem & uberem sub ea agrorum fertilitatem consequuntur. Hoc enim præcipuum est maris munus, integram, vel mediocriter sanam naturam nostram, sano in statu, quantum prope ipsum est, aut in ipso est, tueri, & conservare.

Postquam igitur in præcedentibus, quantùm Sal in conservanda natura integra, & ab omni corruptione vindicanda præcellat, explicavi, nunc nec alterum ejus officium prætermittere oportet, quantùm etiam ad morbos profligandos valeat; quare à capite primùm morbos, virtute & facultate Salis depelli indicare oportet, quò faciliùs reliqua corporis membra sanari etiam à Sale approbetur.

Siquidem inter alia morborum genera, Èterogeneas quas vocant intemperies, capitis inæqualiter dolentis, tumentisque, dum inter pilos rotunda & humida surgunt ulcuscula, & pus mali odoris, cum adipe vitulino permixtus Sal curat, & vulneri recenti admotus sanguinem sistit omninò, ac nè putrescat, absumit, exsiccat ac erodens putrescentia omnia.

Subvenit etiam dentibus nè corrumpantur, & semicorruptos instaurat, eorùmque dolorem levat, si quis manè jejunos illum contineat sub lingua donec lique scat; ac neque ulla quidem ad eos deter-

detergendos confecta medicamenta ita profunt, sicut illa, quibus Sal admiscetur.

Item oculorum remediis, maximè verò contra eorum suffusiones, ad excrescentésque in illis carunculas seu tubercula succidenda, adeò est utilis & salutaris, ut nulla oculorum teneritate impediatur, quo minùs summo sit eis medicamento, unde colliriis & emplastris ferè omnibus addditur Sal.

Non minùs purgandis jumentorum oculis inspuitur, & tam ad oculorum quàm ad reliquos totius corporis morbos depellendos datur illis lingendus, adde proprium cujusque lotium, quod, cùm sit, quo dictum est modo sub salsum, summa est unicuique ad plures quidem ægrotationes medela, nam rusticis & pauperibus ad permultos tam intus quàm in cute exterminandos morbos frequenter adhiberi solet, ac quos inediâ profligare nequeunt, lotio sæpè cluunt.

Hoc ipsum ut salsum confert calculosis, qui ob vitandos intolerabiles dolores

lores & cruciatus, qui ab excrefcente calculo eveniunt, in perineo ferro aut igne fe fcindi patiuntur, ut è vesica extrahatur calculus, cui vulneri nihil aliud falubrius adhibuit natura, quàm ipsiusmet calculosi lotium interluens, atque subinde exsiccans, & vulnus altringens.

Prætereà acuto repentinóque invadenti morbo, quem Medici Tetanum vocant, qui oppressis spirituum animalium influxui dicatis meatibus, omnium corporis musculorum & nervorum contractione, profundam extasin, sæpè etiam mortem inopinatam solet afferre, Sale mederi, expertum est, frustulis ipsius sub plantis pedum continuatâ frictione adhibitis, quâ sensus irritati spirituum animalium per nervos refluxum recipiunt, & ità æger, quasi à morte ad vitam revocatur.

Accedit temulentia, insanix cognata, quâ laborantes olim Sale & oleo inungebantur, sicque à deformi morbo liberabantur.

Morbos Comitiales, mersiones marinæ sanant, plerique Comitiales morbi
adhi-

adhibitò Sale curantur, ità ùt nulla quasi horum morborum antidota, auctore Plinio, non nisi Sale additò fiant.

Porro vomitiones, quæ navigantibus accidunt, instabili maris hujusque falsuginosi propè aëris volutatione commotæ, ejusdem aquæ marinæ bibitione subsistunt. Proùt quoque marinæ aquæ haustus ex eoque proveniens vomitio, plurimis morbis capitis, oculorum atque pectoris medetur, tum etiam bili aliisque omnibus, propter quæ, ùt vult Plinius, helleborus bibitur, medetur: ex quo fit, ut terras ultra mare adeuntes, quos tum cœli aërisque mutatio, tum insueti terræ halitus, & alimenta in morbos sæpè adducunt, nullâ salubriori medicinâ, quàm hisce vomitionibus sibi præcavere possint; Ad hæc, ad purganda corpora bilémque atram & sanguinem concretum epota maris aqua perutilis est, quamvis non finè aliqua stomachi injuria; fuère quoque Medici, qui in quartanis febribus eam ebibendam dedère.

Clysteribus etiam alii tepefactam ad tormina & choleram morbum sananda infudere, quidam & marinam, testium tumori, fovendo cunctis pharmacis prætulerunt; ad ictus etiam & morsus venenatos calida sumpta salutaris intelligitur.

Hodie item morsos à cane rabido, si novies mergantur in mare, fama est pluribus comprobata experimentis à rabie liberari, atque ut infinita penè sunt ad innumeros morbos ex mari adhiberi solita remedia, omnia tamen & ex falsugine emanare, & ob falsuginem mari inesse, ac neque aliunde quàm quòd per salem in eo salus sit inclusa sal dictus fuisse, ex his, atque tam multis quæ suprà ostendimus, facile credi potest;

Sed nec Mediterranei tanto marinæ aquæ fructu ac medicinâ carent: Curâ atque soletri mortalium experimento inventa fuit ratio, quâ sibi quisque, à mari licet remotissimus, marinam conficeret, nam si sextarius Salis cum quatuor aquæ sextariis permisceatur, falsi maris vim & saporem referre probatissimum

simum est, Plinio aliisque naturæ my-
steriorum scriptoribus id approbanti-
bus & expertis ; usque adeo enim vis
hæc ab ea ratione seu proportionem efflu-
it, ut si plus quàm sextarius Salis cum
quatuor sextariis aquæ mergatur, aqua
vincatur, cum Sal non liquetur.

Insuper falsâ etiam potione, inter
alia morbum Regium curari, expertum
est;

Paralytici & Apoplectici, qui ner-
vorum resolutione totò corpore aut
parte aliquâ contrahuntur, marinâ ca-
lidâ, vel si ea non est, aquâ falsâ com-
modissimè foveantur, paulatimque mem-
bris convalescunt.

Nervorum etiam dolorem maximè,
ut ait Plinius, circa humeros & renes
linteis in aqua salsa ferventi crebrò ma-
defactis, expertâ observatione Sal levat;
quam ob vim colicum affectum tormi-
na & coxarum dolores fatus ejus miri-
ficè mitigat, sed Hydropicos quosdam
Sale curatos fuisse, fervorésque febrium,
quasi restincto in lampade oleo ademis-
se, graves pectoris obstructions ac

tissim veterem , hujusmodi linctu discussam , fama & experientia ferunt. .

Ac neque Podagris & Lepris curandis , neque ignibus sacris , ulceribúsque quæ serpunt , sedandis , neque certis venenorum generibus,ût diximus,compescendis inutilis est ;

Prætereà ipsi clysteres, qui maximè ad ventris levationes, tanquam necessaria medicinæ vehicula præmittuntur, ut intestina irritent ad sordium expulsionem , atque ut ipsa naturalis per secesum purgatio faciliùs adjuta promoveatur, nulli ferè à Medicis sinè Sale adhibentur. Denique Medicis experimentis comprobantibus , aut per se solus Sal, aut cum aceto , oleo & melle , aut cum horum unoquoque , aut cum omnibus quibus commiscetur Pharmacis commixtus, omnium penè tam simplicium, quàm compositorum medicamentorum vim , & facultatem curatione suâ conatur exæquare.

Prodest Senibus etiam, Regiones frigidas incolentibus, si quis hyeme glebas Salis lateritias ad ignem calefaciat , &

pānnis involutas pedibus in lecto cubans supponat, quòd hæc tum diutiùs calorem retineant, tum innatum, aliòque retrusum, revocent ad extrema membra; ità quippè eorum senile corpus fovetur, atque pituita in eisdem magna ex parte cohibetur, & à capite detrahitur.

-Est quoque approbatum experimento, in locis ubi sunt Salis cumuli, noctu ac sub Dio cubantes, atque ex Sale lectos sibi sternentes, arcere à se cunctas agri Bestiolas, ac non solum quietiùs profundiusque dormire, verum frequentatione redundantes in ipsis humores extenuari, ac eos meliùs habere; quamobrem, non solum corpori in univèrsum, verum singulis ejus membris sanandis, ab iisdémque, & simplicibus & compositis morbis depellendis, Sal mirabiliter adhibetur; cujus præcellens utique ac benigna natura, adeò semper est in communem omnium salutem propensa, ut univèrsas suas ipsè facultates, quibus præcipuè eminet, ut sunt; Saporem conciliare, astringere,

tergere, expurgare, diffundere, attenuare, penetrare, tum urere & siccare, aliâque innumera ejus officia perpetuò nobis impertiatur;

Tam multis denique atque tam variis, tum vitæ salutisque commoditatibus comparandis, tum morborum generibus depellendis, Salem mortalibus utilem ac necessarium esse deprehendimus, ut meritò ad id unde summa propositi derivata est, redeat, nihil esse Sale humanis corporibus salubrius: nam sallem quidem ex quodam quasi naturæ vinculo, usque adeò præcipuam humanorum corporum curam suscepisse compertum est, ut minimè mirum videri debeat, nos jam mundo natos continuo sanitatis officio servari à Sale, cùm antequam nascamur suâ nosmet ille, cum occasione generet, tum postquam naturâ concessimus, demortuos non deferat, ea quippe nos charitate prosequitur sal, ut unâ se ipse nobiscum affectu plùs quàm materno sepulchro recondat, idque tam ut corpora nostra à corruptione vindicet, quàm ut innato suo quodam

dam immortalitatis igniculo fovendo ac conservando, illa quàm diutissimè integra retineat.

Quod quidem excellentissimum Salis munus, præclarè satis in ipsis demortuorum animalium carnibus expleri videmus, siquidem nullæ cujusvis generis animalium, etsi pestiferorum, carnes sunt, quæ non ferventur saliturâ, usque adeò ut sinè incommodo quandoque crudæ edi possint: quarum certè humanæ, tametsi ad corruptionem multò sint aliis procliviores, si tamen Sale condiantur, reliquis fiunt longè diuturniores, mirèque resistunt corruptioni, unde cadavera, quæ pluribus sæculis cupimus manere integra & incorrupta, parum est aliis, quantumlibet pretiosis aromatibus obliniri, nisi Sale, aromatum præstantissimo, condiantur;

Nam & Opobalsamum, quod condiendis cadaveribus valdè inclytum, atque inter aromata nobilissimum habetur, haud credo ipsum sinè Sale, quòd Sal sinè ipso efficere omnino posse; ex quo Ægyptii, apud quos major cura fuit
con-

condiendi atque asservandi corpora ad perennitatem suorum præsertim Parentum & Consanguineorum, quos non solum Mausoleis inclusos, sed Domi etiam intrâ cubicula, resectâ facie, quasi vivos contemplantur ac retinebant, non Balsamo cum Myrrha & Aloë, sed Sale cum NitroCedria & Asphalto, hoc est Bitumine liquido, tum olim, tum etiam nostrô tempore usi sunt.

Plinius lib: 13. his verbis affirmat, Salis inquit natura, est per se ignea, & inimica ignibus, fugiens eos, omnia erodens, corpora verò astringens, siccans, alligans, defuncta etiam à putrescendo vindicans, ità, ut durent per sæcula;

Hæc ille: ex quibus verbis apparet universas ferè rerum condiendi facultates in Sale contineri; Mumia, secundùm Bellonium in suo de medicato funere libello, postquam argutè elegantérque improbavit aliorum rationes de ortu atque origine Mumiaë, eamque neque corpus sub arenis Africaë arefactum, & ibidem inventum, neque cadaverum tabidam saniem in sepulchris, ut volunt,

repertam esse ostendit, tamen ut qualis atque unde illa verè sit, dilucidet: Mumia, inquit, nihil aliud est, quàm funus medicatum, quod primò Sale aspersum, aut Nitro salitum, & per multos dies Cedriâ & Asphalto recenti, vel liquore Bituminis unctum conditumque, deinde aromatibus & unguentis, Myrrhâ, Cinnamonomô & Balsamô, ad probum odorem conciliandum conspersum est. Per quod ille Salem, quâ præcipuum medicamentum inter omnia, quæ à corruptione corpora conservandi vim habent, vindicat: ejus enim admirabili ope fieri asserit, ut humore quovis absumpto corpus minimè contabescat, sed quàm diutissimè fieri possit, maneat integrum & incorruptum, ex quibus quantùm Sal in nobis valeat, ut simus, ut benè simus, & ut perpetuò ferè simus, intelleximus.

CAP. IX.

*Quantum Sal Animantia
delectet.*

Hactenus præcipuam sanitatis partem, quam homo beneficio Salis, tam in conservanda sanitate, quàm in depellendis morbis consequitur, Sali adscribendam probavimus: ex re jam nobis erit ad oculum demonstrare eam quoque sanitatem, quæ cæteris animantibus ab optimis alimentis provenit, Sali quoque tribuendam esse; etenim appetitissimum sanitatis indicium est, animal promptum atque alacre esse ad gignendum, ipsùmque posse non solum sibi simile, ac æquè validum verùm se ipso pulchrius atque robustius naturæ ductu procreare, hanc autem in iis præsertim animantibus, quæ copiosò Sale pascuntur perfici, ac uberius expleri, quin & mures abroso Sale prægnantes fieri, ac non solum fera, verùm etiam mansueta ad cibum & usum hominum divinâ lar-

gitate procreata animantia Salem in univcrsum omnia appetere, & summo naturæ impulsu ipsum quærere videmus.

Inter alia verò potissimùm Ovem, animal naturâ mundo mansuetum, fecundum, lanigerum, ac nostro etiam usui mirè congruens, ipsum enim usque adeò mortalibus utile, ac necessarium esse experimur, ut, cùm omnium animantium, quorum ope nitimur, alia victum, alia vestitum præstent, sola ovis, & victum nobis det salubriter, & extra vestiât, atque ornet decenter; Hanc autem, nisi summâ curâ & ad certos dies Sale sufficienti dato, in locis præsertim aridis, nimiùmque à mari remotis, recreaveris, continuò ipsam tabifico morbo teneri, vermiculis scatere, scabie infici, horridas lanas & insuaves ejus carnes reddi, gustum amittere, sterilem denique eandem fieri videbis; quam horrendam malorum colluviem boni Pastores non alio potentiori neque salubriori antidoto, quàm Sale præmuniunt: unde fit, ut, quæ in locis maritimis

aut falſuginofis compaſcuntur pecudes,
multò fœcundiores evadant, multóque
ſuaviores ac teneriores carnes perferant,
largiore lacte & caſeo gratioſe abund-
dent, lanas abundantes longiſſimas &
finiſſimas portent: quòd tum ex hoc
potiſſimùm liquet, quòd cùm Pecus
omne potù quàm maximè pingueſcat,
ad continuam hujus appetentiam exci-
tandam ac etiam fovendam, nihil æquè
aptum ſit ac Sal, qua de cauſa Sale
quidem, atque optimâ Paſtorum ſoler-
tiâ fieri, ut vitulis lactantibus, dum in
ſtabulis tenentur, Salis glebæ objician-
tur, ut illas toto eo tempore lingant, quo
Matres paſcentes abſunt; quo linctu gu-
ſtu vehementer excitato, ſic inhiant
Matrum Uberibus, ut ea, pleniffima li-
cet, cum avidiſſimè ſugant, tum eo ali-
mento ad humanum Cibus & tempe-
ratiſſimi & ſuaviſſimi fiant, neque enim
lac tametſi dulce, cùm pingue ſit, tantâ
guſtûs appetentiâ è mammis ſugeretur
propter dulcedinè, niſi Sale & naturâ
condientibus illud ſaperet ſubſaluſum;

Quemadmodum Poëta quidam præclarè tetigit, inquiens:

Capellas linctû, Salis

Occultum in lacte referre saporem,
at demum quid de Sue dicam? quâ pecude, ut inquit Cicero, nihil genuit natura foecundius, quæ Bestiæ omnium inertissimæ, stupidissimæque, neque ad aliquod ingenii opus, ut cæteræ animantes natæ, solùm tantùm vivunt, ut pingues reddantur, ut ex iis mortalibus omnium escarum suavissimus, & quasi primus cibus fiat; unde ut sus moriens vivat, Sale pro anima, & imbui & condi vult; Quo alimento sanis præcipuè exercitisque corporibus, summo Medicorum consensu, neque inveniri potest quidquam validius, neque temperatius, neque suavius;

Verùm neque inter quadrupedes Salis amicos, prætereundus est lepus, qui Romanis olim magni fuit habitus, ut testatur Martialis:

Inter quadrupedes gloria prima Lepus.
Huic enim tanta est appetentia Salis, ut nusquam certior sit ejus captura, quàm
in

in areolis, sive latis lapidibus, ubi Pastores solent ovibus Salem porrigere; Eò enim lepores noctû veniunt, ut reliquias Salis lingant, quo sapore sic alliciuntur, ut quasi visco inhærentes in ipso met linctû capiantur à Venatoribus, perinde ac etiam Cuniculi, quos omnes ab eo salforum pastû quasi naturâ conditos, credendum est apud antiquos tanto fuisse in honore habitos;

Quamobrem verè profectò est ridiculum, hanc Belluis tam insitam Salis appetentiam, arti nostræ potiùs, ad eas, ut dicunt facilè capiendas, quàm naturæ providæ, quæ illam ad tantorum bonorum cumulum ipsis impertita est, tribuere; non enim consuetudine posset ars id, quod naturale non est, tam universis quàm singulis animantibus inferre & infigere.

Nam quamvis arte fit, ut pleræque ferarum nobis mansuefiant, tamen ob id illæ, neque rudior certè sunt ingenio, neque in deteriorem mutantur conditionem, quin potiùs proprium atque præcipuum tributum, tum generosiùs assequun-

quuntur, cum subjiciuntur nobis, atque domesticâ familiaritate, non solùm feritatem exuere, sed quasi ingenium nostrum, atque consortium quoddam nobiscum induere videntur, atque ità Sale fit, ut nobis eadem & perpetuo sint usui dum vivunt, & mortuæ etiam cibo atque indumento; nam earum pelles, quæ ad tam multos & varios usus accommodari solent à mortalibus, ad nullos quidem prodesse, nî protinus recentes detractæ, ad putrescentem inde saniem combibendam Sale multo conspersæ, obvolverentur.

Porro neque Aves, quas natura mortalibus aut in escam produxit, aut in aliarum aucupium consociavit, aut in oblectamentum non modò variis pulcherrimisque exornavit coloribus, quin etiam nostras articulatas voces conari permisit, ità dulcibus assuescunt, ut à falsis omnino abstineant. Nam earum præsertim maritimæ, & quæ in paludibus degunt, falsugine quàm maximè delectari videntur; non enim quicquam non falsuginosum sive terrestris illud sit, sive

sive aqueum ac vel aëreum, propter falsuginosos loci halitus & humores, degustare seu devorare possunt: Maximè verò Alcyones, tum Mergi & Gabiæ, aliæque marinæ volucres, quæ piscibus aluntur, de quibus illud mirandum est, quòd, cum omnes Aves cubilia & nidos sibi construant, eosque quàm possunt mollissimè substernant, tamen Alcyones prout fama fert, certum est, nidos suos ex durissimis piscium ossibus & acutissimis spinis fingere, ac rariùs nisi supra mare videri, atque inter falsuginosa & aspera maris cunabula, foetus suos fecundissimos emittere, ac neque ponderosâ falsugine impediri, quò minùs ipsæ pari cum cæteris avibus salubritate & volatu fruantur.

Quin & his Volucribus, quæ carnivoræ sunt, contingit etiam, ut, si aliquando in carnes falsas inciderint, minimè ad infalsas inclinent, quamquam maximè verum est, naturam avibus levitatis atque volatûs causâ dedisse, ut dulcia potiùs cum leviora sint, quàm ut falsa, aut aliorum saporum nutrimenta

ap-

appeterent. Hoc quoque dicendum, quòd omne genus Accipitrum Sale imbuitur ad se purgandum ; neque prætermittendum id , quod à sagacissimis aucupibus diligentissimè fieri dicitur , dum Accipitribus præcipuæ alarum pennæ inter volandum franguntur, illas Sale & alliô reficere.

Perdices neque feraciores, neque solidioris succi alibi, quàm in montanis aliisque locis aridis procreari comperimus, propter loci siccitatem, quæ falsiusculum, ideóque pingue quodammodo ipsis pabulum reddit, easque salaciores efficit.

Columbas itidem & Palumbes, genus avium foecundissimum ac etiam calidissimum (sicuti Glaucus ille atque Subcinericius, & quasi adustus color, quò ornantur, indicat) nónne tum ad concoquendum, tum maximè ad propagandum ministerio & ope Salis uti videmus? non solùm enim falsiorem terram, ut inquit Plinius, sed etiam grana salis gutture colligentes, pullis suis in ora inspuunt, ut eis tam foecunditatem

ac propagandi vim, quàm cibi etiam appetentiam ingerant ;

Neque enim verisimile est, omnium salacissimos Passeres, Turdiculos ac hujus generis, ut reliquos omittamus, sinè aliquo nutrimento falso posse in tantam salacitatem erumpere.

Denique inter ea quæ vocant insecta, non avium modò, sed cunctarum etiam animantium officiosissimæ, ac divinum quid præferentes occurrunt apes, quas natura permagno sui miraculo, tanquam optimæ frugalissimæque Reipublicæ specimen & exemplum, mortalibus mirandum proposuit ; dum enim se illæ ad foetus fovendos & incubandos accingunt, falsuginosa maximè loca petunt, ibique aut murix stillas sugunt, aut falsuginosum quodcunque reperere, vel ex ipsis bestiarum foecibus & excrementis delibant, ut regale semen, cui incubaturæ sunt, falso illo fomento fuscitent.

Cui etiam ministerio illico sunt fuci à fovendo dicti, ut inquit Plinius : Fucus est apum foetus, & quasi ad earum servitu-

vitutem natus, atque dum foelix est annus, ad victum admissus, alioquin à ministerio rejectus, ut inquit Maro in Georgicis:

Ignavũ fucos pecus à præsepibus arcent.

Demum, qui non in opere tantum, sed in foetu quoque apes adjuvat: His namque ad pastum abeuntibus protinus fuci foetibus incubant, hosque calore foveant, qui etiam inter apes mares esse reputantur; nam etsi geniturâ careant, seminalem tamen gignendi rationem in se continent, quosque ob id idem fucos appellant, quod fucum, ut dici solet, faciant, perinde ac Evnuchi, quibus, etsi subsunt virilia, steriles tamen sunt, & ad generandum inepti. Quamvis sunt nonnulli qui asserant, Reges apum esse de genere ac prosapia fuco- rum, atque inter hos nasci, minimè tamen id esse verum probatur ex eo, quod licet aculeo similiter Reges careant, seminalem tamen gignendi rationem habeant amplissimam, quam non facultate tantum, ut fuci, sed foecundissimo actu præstant.

Verumtamen quoniam falsum pulchro consonat, haud infulsè me facturum puto, si inter hæc falsa, pulchra quædam fatisque scitu digna permisceam, de excellenti origine, primigeniôque ortu apum, quem à mortuo atque putrescenti bove duci posse, Maro & Plinius confirmant.

Quæ sententia planè stupendo quodam naturæ miraculo in ipsismet fucis nuper vera esse deprehendebatur; nam cum fucus digitis atque ungue medius premeretur, si fortè aliquid vice aculei emitteret, ruptis visceribus atque posterioris partis Pelliculâ, album seu croceum caput bovis, expansis ac tortuosis cornibus, rostrôque ad unco affabrè formatum derepente emergebat: Naturâ quidem (cui meritò summa inest cura apum) in hoc portento seminalem ipsarum rationem, atque unde tandem amissæ instaurandæ sint, per fucos mirè ostendente.

Sed ut ad ipsarum apum appetitam falsuginem revertamur, sit etiam, ut, si à degustatis contrariis atque noxiis floribus,

ribus, aut aliàs in morbos incidant, urinâ hominum, quòd subfalsa hæc sit, illæ sanentur. Quinimò simili compertum est experimento in locis montanis, maritimis tamen, propter salitos maris halitus, & flosculorum copiam easdem usque adeò propagari, ut vaga illarum examina arborum corticibus infidentia, objectis alvearibus facilè capiantur, modò ipsa alvearia Sale muriano illita fuerint, tantus illis propagandi appetitus inest, quem in falsis multò uberius expleri præsentunt.

Quòd igitur in Ove, in Vitulo & Leporibus, aliisque Avibus, & insectis deprehenditur, hoc idem in reliquis bestiis atque innumeris animantibus in Sale naturâ propensis, inveniri posse conjicimus; eò enim salubriora illa nobis gustuque gratiora, quò abundantiori Sale ea pasci curamus.

C A P. X.

Quantum Sal Vegetabilia juvet.

Salem, quem ipsa natura mortalibus, adeoque universis quæ sentiunt animantibus, non minùs utilem ac necessarium, quàm appetibilem protulit: stirpibus etiam, ex quibus illorum alimenta & medicamenta constant, non incommodum & infructuosum fieri permisit; quí enim Sal fecunditatis vim à natura tributam stirpibus, ab eisdem omninò tollet, cum naturâ etiam aptus ipse sit, ad eas nutriendum? idque præcipuè testimonio Hippocratis Philosophorum omnium nedum Medicorum faciliè Principis: is enim cum libro de natura hominis docere vellet, hominem non uno sed pluribus humoribus tanquam elementis animalium sanguine præditorum constare, non solum aliis id ità se habere confirmat argumentis, verùm etiam attractione medicamen-

camentorum, tum singulos humores evacuantium, tum omnes, quando nimia est evacuatio; quod lucidissimâ quâdam similitudine ex stirpibus petita illustrat, his verbis.

Nam medicamentum, inquit, cùm in corpus fuerit ingressum, primùm sanè ducit, quodcumque ipsi inter ea, quæ corpori insunt, naturâ maximè respondet, deinde alia quoque trahit & expurgat, quemadmodum semina & stirpes terram ipsarum sugunt, id est familiaria attrahunt; est autem & acidum, & dulce, & amarum, & falsum, & omnifarium; primùm igitur plurimum ejus, quod ipsis cognatum est, arripiunt, postea alia quoque ad se alliciunt, tale quid, & medicamenta in corpore faciunt. Hæc ille; cujus sententiam Galenus in Commentario & alibi passim libentissimè sequitur.

Ex quibus Hippocratis verbis colligere est, stirpes aliquot falsas inveniri posse, propterea quòd ali, foverique possunt nutrimento falso; unde constat, quàm longè latèque pateat Salis imperium,

rium, quòd præter animalia sensû prædita, stirpes quoque frequentissimè ejus alimento subjæctæ nutriantur : nec audiendus est Plutarchus, Vir alioqui Philosophiæ peritissimus, qui (libro de causis naturalibus) asserit, stirpes ideò humore falsò non ali, quod nulla reperiat, cujus fructus falsus gustantibus appareat, nam etsi rarus est fructus, qui saporem falsum omninò referat, non tamen ex hoc fit, quòd nullæ arbores alimento falso nutriantur, sed ex natura potiùs humoris falsi, cujus partes crassæ cum sint, radices tantùm, truncum & ramos majusculos alere, ad fructum verò tenui humore semper indigentem, ægrè attolli possunt. Tametsi falsæ quædam ficus alicubi reperiantur edi solitæ, quas negare non possumus naturâ esse dulces, verùm eas perfundi quidem sapore subfalsò, qui ab ipsis concipitur, aut ex falsuginoso terræ halitu, aut ex calore Solis tenue illarum dulce exsiccante.

At verò, quantus sit earum stirpium numerus, quæ humore falsò aluntur, ac neque ab ipso impediuntur, quò minùs

in proceras arbores erumpant, recensere-
rem hoc loco equidem nisi aliò mea fe-
stino gradu properaret oratio. Nam si
loca falsa permulta sunt stirpibus refer-
ta, quis affirmare dubitet, harum esse
etiam perplures, quæ falsugine vivant
& adolescant? quare nonnullas exem-
pli causâ proponam; omne igitur stir-
pium alimentum, cùm ex pingui maxi-
mè constet, ac ubi falsum est Solum, vel
ob innatum Salem pingue (ut mox di-
cetur) hoc à falso sejungi non possit,
necesse est, ut stirpes, quæ ex Solo falso
emergunt, non ex pingui tantùm, sed
ex pingui falso naturâ proferantur &
crescant. Ubicunque enim falsum co-
piosissimo humori conjunctum fuerit,
ut in mari, cunctas stirpes sapore suo
non solùm imbuere, verùm etiam, quâ
pingue est, nutrire poterit & augere,
quippe stirpibus, non modò qualitates,
ut figura, calor, sapor, odor, magnitu-
do, sed vires, &, quibus inter se distin-
guuntur, facultates, nōne ab alimen-
tis, quibus nutriuntur, obveniunt? tan-
ta enim propriarum qualitatum immu-
tatio

tatio illis potest ex alimentis accedere, ut cum his, quasi naturam commutâsse videantur. Etenim illarum semina seu radices, quæ naturâ aut amari, aut acris saporis sunt; si terræ mandata cum melle aut sacharo aut alio diversi saporis succo convoluta occentur, an non relicto naturali ac proprio sapore, consiti alimenti saporem subire, atque consentaneum huic fructum proferre videmus? quod ubique de fœniculo experimur, quod Romæ suavissimi ac dulcissimi saporis est, in Hispania verò vix nisi subacris aut subamari invenitur. Fit tamen solerti Agricolarum satione, ut enascatur dulce, si modò semen intrâ ficum, aut cum melle, aut sacharo commistum seratur.

Huc etiam pertinet, quod de piscibus afferit Plinius, quosdam esse amaros ad Pelem Insulam, quosdam ità falsos, ut sunt falsamenta, juxta Euripum: alios tandem circa Cephaloniam, & aliis locis omninò dulces, quam saporum differentiam inter pisces, idem auctor pro certo habet haud aliunde, quàm ex ali-

mento & pabulo simili sapore prædito, juxta loci situm constare; unde simili etiam ratione falsum, quod aut occasione Soli, ut ex sese pingui stirpium alimento, aut occasione sitûs, in iis præfertim, quæ mari innascuntur, commissum est, potest proprio quidem calore, quamvis difficulter, se ipsum unà cum alimentis in plurimas stirpes insinuare, nec non suâ, ut videre est, & qualitate, & sapore eas afficere, quæ etiam, nè adulescentes illas falsugo, aut siccitate erodat, aut calore adurat, à circumfuso ejusdem maris humore copiosius irrigatæ & defenduntur, & permanent. Cujusmodi plerasque in mari atque ripis falsarum aquarum enasci, nutriri, atque falsum sapere experimur; nutrit enim Indicum mare falsam herbam, quam vocant Salzagum mobilem, in mari summo consistentem, adeò copiosam, ut intuentibus florentissimorum pratorum speciem referat; sicuti primis illis, terras ultrà mare ad partes abeuntis Solis expositas inquirentibus Hispanis, post diuturnum atque longissimum emensis ma-

ris spatium obtigit, quos ejusmodi procul visa Salzagus planè ac stabilis Insulæ prospectum præseferens, vanâ elusit spe; nam partim viridis est, partim crocea, quæ, quia humore maris alitur, nec nisi ubi falsuginosum est Solum enascitur.

Rubrum item Mare, ac totus Orientis Oceanus, refertus est sylvis, etenim ut testatur Plinius lib: 4. Alexandri Milites, qui navigârunt in Indos, frondem marinarum arborum tradidêre in aqua viridem fuisse, exemptam Sole protinus in Salem arefcentem; eodem quoque tractu Insularum sylvas altiores, Plantis populisque æstû maris opertas ab eisdem etiam fuisse visas: ità, ut ad maximarum earundem arborum cacumina naves religarentur, quin & pleno æstu, totas fuisse opertas, recedente verò æstu ejusdem maris, naves eas, fluctibus advenientis maris propulsas, ad radices earundem arborum restitisse immobiles: Unde apparet rerum argumentis, tam asperitate aquarum, quàm pingui falsugine arbores, tum alia quæque indure-

Adriaticum Mare rudissimam herbam profert Algam vocatam, haud equidem omninò rerum omnium, ut est in proverbio, vilissimam; cujus copia & mollities causa sunt, ut Venetis, & ferendis urceis, & vitreis vasis in varias mundi partes transmittendis, fiat aptissima; quin & se etiam magnoperè in eo exhibet, quod ex Solo & pabulo falso nascitur & nutritur, atque ut veram agat stirpem, & Vere pullulat, & Æstate viret, & Hyeme etiam moritur, etiam ad fugandos cimices eadem cultriciis supposita inventa fuit utilissima.

Porro est herba quædam Anthillis dicta Dioscoridi, quæ toto ferè Valentino Regno, maximè ad oram maritimam oritur, cujus duæ sunt species, ut quidam Medici doctissimi censent, altera, quæ Valentinis Sosa borda, altera, quæ multò præstantior multisque usibus accommodatior, Barilla vocatur, utraque sapore falso cum quadam astringitione prædita, quam solent Pastores, Salis inopiâ urgente, ad Solem torrere, ac exsiccare, eâque in pulverem redactâ

vice Salis uti. Hanc autem herbam five conflatum ejus cinerem Kali vocant Arabes, Salem verò ex decoctione ejus herbæ resultantem Salem Alkali, cinerem autem jam induratum Alumen Catiuum. Quamquam & ipsum Alumen quid aliud esse, seu haberi potest, quam quædam ferè hebescente sapore falsugo terræ;

Ex quibus constat, non omnes stirpium succos, infulsos prorsus à natura fuisse productos, minúsque audiendam Plinii sententiam, qui falsum saporem non nasci affirmat, hunc solummodò ab omnibus stirpium succis excludens, cui sententiæ satis, nî fallor, iis quæ adducta sunt, obviam est itum, atque ab illa quidem ad consentaneum rerum judicem, experimentum, ratione Duce appellatum; quis enim dubitat pleraque alia, quàm quæ recensuimus, herbarum genera esse, neque nota nobis adhuc, neque gustui dissentanea, quæ præter usitatos sapes, falsos etiam referant, & quæ non modò falsum sapere, sed falso ex Solo gigni & ali possint? Cùm non
tan-

tantum falsis, sed amaris etiam alimentis stirpes nutriri, ut docuimus auctor sit Hippocrates; quid enim prohibet in stirpibus quemadmodum in animalibus & inanimis, aut monstrum, aut inusitatum quid evenire?

Verumtamen quidquid illud sit, excellentiæ atque benignitati Salis est datum, ut stirpibus, quibus saporis pabuloque, aut alimento esse non potest, sit aut medicamento, aut majoris fecunditatis occasione; nam eodem referente Plinio pleræque arbores atque herbarum genera sunt, quæ falsis aquis partim reficiuntur, partim, si in sterilitatem, aut alios morbos incidant, emendantur, ac revirescunt, ut Lentiscus & Palma, hæc namque falsum Solum diligunt, atque ubi tale non est sale aspergi, non radicibus, sed paulò remotiùs desiderant, nam levi sabulosâque terrâ ac majori parte nitrosâ gignuntur.

At inter alia, Ciceris natura est gigni & occari cum falsugine, quemadmodum & Magni Ciceronis fuit, cum summis animi Salibus nasci, & adolescere, quin

quin & Apii Radix, ut Aristoteles inquit, falsâ irrigari vult, sunt & aliæ stirpes, quibus peculiaris medicina in falsis aquis est sita, ut Raphanus, Beta, Ruta & Cunila, quam Dioscorides Origanum Eracleticum vocat: quarum, suavitati fertilitatîque augendæ confert summo-
pere: insuper & vitium radicibus, si lachrymosæ sint, aqua falsa affunditur, quâ ejusmodi superfluous humor com-
bibitur.

Pleræque etiam arbores, quæ nullâ externâ causâ languescunt ac siccantur, falsô irrigatæ humore, radicitus reviviscunt & convalescunt; propterea, quod humor ille vermes, exsiccationis causas, imis radicibus affixos exstinguit.

Ad hæc, neque stirpibus tantummodo & arboribus affusa falsugo prodest, sed earum etiam decerptis jam fructibus perficiendis pernecessaria adhibetur; siquidem Græcorum usu ad excitandam Vini levitatem Sale aut Muriâ solebant Vina condiri, à quo etiam usu & condimento neque nostri temporis abstinent, nam iis, quibus dictum est causis, so-
tate

rate Salis augetur Vini ardor, præsertim si fermentescenti adhibeatur.

Hodie itidem Sale & aquâ, ut vulgo dicunt Salmuriâ ferventi, exceptura Vinum dolia diligenter purgare, elueréque solent, tum ut doliorum rimæ astrictione Salis constipentur, tum maximè ut quicquid in illis putridum fuerit, ejusdem vi Salis absumatur; quin etiam Cupæ magnæ vinariæ quàm diu vacuæ manent, nè tam squallore ac situ quàm ærugine contabescant, neque in eis prioris Vini fœcibus sequens ace scat, quartâ parte modiolis Salis inclusâ conservantur incolumes.

Quodvis prætereà frumenti genus, Sale quàm maximè defenditur à putredine, atque in primis triticum, nam hoc quidem diutiùs asservatum, cùm sit corruptioni obnoxium, maritimis præsertim in locis, vix ultra biennium retinetur; at verò in mediterraneis montanis inspersô Sale ultra decennium dicunt servari incorruptum. Hoc ipsum molitum, atque in farinam redactum cum Sale, & lauri foliis commistum conservatur

vatur in annos: Humore quidem ejus à Sale ex parte exsiccatò, quemadmodum experimento clarè ostenditur.

Nam si duos panes ejusdem ponderis ex eadem massa subigas, alterum Sale aspersum, alterum minimè, videbis priorem leviorè esse, propterea quòd quantum humoris in eo pane, qui erat infusus, remanet, tantundem Sal suxerat à priore; quâ item Salis admistione subactus panis salubrior multoque suavior efficitur, neque sinè fœnore id fanè, nam quò plùs Salis pani admiscetur (sic enim subigi solet pastoribus, & in agro laborantibus) eò minus panis comeditur, quòd appetitus Salis degustatù citiùs expleatur & saturetur, ut scilicet, cum summa gustûs, atque appetitûs expletionè per Salem, magnum sequatur mortalibus compendium, quò fit, ut panis tametsi humanarum escarum habeatur præstantissimus, at gravior ille tamen atque humidior longèque insuavior remanet, absque Sale subactus.

Sed jam ad arbores Salis amicas revertamur, sacra quidem Myrthus, olim

in Triumphis celeberrima Lauri æmula, maritimis, sive saluginosis locis frequens innascitur, atque inter arbores mari proximas refertur (qua de causa olim à Poëtis Venerem ex ea ortam fuisse dicebatur) hæc certè maximam meretur æstimationem, aut quòd ex ea Oleum & Vinum succorum foecundissimos, & ad voluptatem & delicias aptissimos elicere liceat, aut propter redundantiam medicamentorum, quæ ex ea ad delinenda & à dolore levanda corpora à Medicis componuntur.

Ad hæc, stirpium sive herbarum omnium longè dulcissima Glycyrrhiza sumpto à Græcis vocabulo occurrit, radice usque adeò dulci, ut hujus sapore acutiùs quàm melle gustus excitetur; Hæc autem omnium, quæ ad mare sunt, proxima ferè habetur, jactu quippe lapidis remotè à mari alicubi enascitur; quam in Valentino agro mari finitimo, tribus millibus passuum ab urbe Valentia invenire est, propè Oppidulum, quod vocant Grau, quod asserto ibi mari adjacet, ubi statio sit navibus, satis malefida:

ſida: atque ideo illud Graus quaſi gradus, impoſito à navigantibus nomine dicitur; propterea, quòd arena ibi aquis haud prominens, æquabiliter, quaſi per gradus deſcenſum efficit in profundum: indèque fit, ut commorà procellà ac tempeſtate, quandoque fiant naufragia.

Porro Saccharum, quod ex mellitiſſimo atque omnium temperatiſſimo dolci conſtat, nōne calidioribus in Regionibus Auſtro præſertim expoſitis, ex mellis, ut dicunt, arundinibus exprimitur, quæ planè in modum meſſis in geniculatum culmum eriguntur, nec ali- bi foeliciùs adoleſcunt, quam in agris maritimis, ubi aquà & fimo columbino, qui ob maximam ſiccitatem propè ſaluſus eſt, repaſtinari volunt; atque calidum & pingue Solum, quale eſt maritimum, deſiderant, quò meliùs à rorifero atque temperato marino aëre foveri poſſint, unde credibile eſt, maritimos agros, ubi Glycyrrhiza naſcitur, non ineptos eſſe ad proferendum ſaccharum, nè demum ſinè Sale fiat, quòd etiam ſtirpium nonnullæ ſint dulciſſimæ.

Insuper Oleæ, ut uberiores fructus ferant, falso, præcipuè marino loco gaudent, pinguiore enim ex hoc reficiuntur humore, nam & quæ procul à mari, atque in mediterraneis virescunt, in sub-falso sabulosoque Solo oriri, ob idque sufficienti pingui abundare comperimus; Quod in Valentino Regno mirabiliter evenire solet mari proximis, qui innatâ propè atque fertilissimâ falsugine imbuuntur, ac non solum Olei exuperantiâ, sed omnium ferè fructuum varietate & excellentiâ præstant, ea enim falsuginoso illi Solo insita est vis pinguis à natura, ut oleæ singulis annis, modò adsit cœli pluvia, suo fructu exuberent. Quam olei ubertatem Sali unicè deberi, miro evidentissimoque experimento colligunt, cùm enim uberiores fructum ex aliqua olea, aut ex universo oliveto cupiunt percipere, tertiam modioli Salis partem cujusque oleæ radicibus injiciunt, aut aquâ falsâ, quâ abundant (cùm solam pluviam dulcem bibant) agrum irrigant, quo postea diligenter occato, ac pluviali aqua irrigato, condu-

plicatus inde fructus provenit ; quo etiam experimento iidem uti solent in procreandis palmis , quibus idem ager refertissimus est, ac earum fructus copiosissimus : compertum enim fuit palmam antea fertilissimam per quinquennium à fructu cessasse , atque omninò ferè exaruisse : sed mox ad radices excavatam , injectis simul tribus Salis modiolis , ac deindè irrigatam , in pristinam fertilitatem fuisse restitutam ;

At neque olei solummodò, sed frumenti etiam incredibilis ac nusquam alibi conspecta fertilitas in Scicilia provenit per Salem , experimento enim est comprobatum ex unico grano Hordei , aliquando quinquaginta sex spicarum manipulos fuisse collectos, iisque confricatis, octingentorum supra mille granorum numerum explevisse, quin etiam ibidem satum frumentum quinquagenos, sexagenosque fructus plerumque attulisse, centenos verò nonnunquam. Nec dubitandum est , parem inveniri posse foecunditatem , ubicunque similis coeli, Solique saluginosi situs atque temperies conveniret.

At neque prætereunda est summa illa per Salem ubertas, quæ apud occidentales Indos comperta est, in per magna regione illa Peruza, in urbe Azua ulterioris Oceani, qui del Sur dicitur, quæ urbs, cum universo circum circa agro sterilis est, ac neque pluviam, neque fluviatili aquâ irrigatur, & quia maritima est, puteales duntaxat aquas habet. salugineas quodammodo, neque satis ad bibendum gratas; unde cum neque arbores, neque stirpes sponte ullas terra ferat, neque culturæ omninò sit apta, Piscatoriam omnes exercent; & quoniam copiosissimo abundant Sale, captos certi generis pisciculos saliant, quos magno sibi usu esse comperiuntur, ad ferendum & colligendum Maizium vulgò dictum, quo unico aluntur terræ frumento; cum enim terra ibi arida sit, atque omninò sabulosa, remotis prius arenis, latissimas in ea foveas efficiunt, in illisque Maizium illud aëri exponunt tamdiu, quousque humorem semen concipiat, ibique singula Maizii grana, singulis salitorum pisciculorum capitibus

inclusa feminant, quæ occata, usque adeo tum impinguantis, tum maximè stercoreantis vi, fit ut fructum afferant supra millesimum, ità, ut si rursum nuda grana severis, nullus ferè ex ipsis fructus enascatur.

Ad hæc inter alias Apulia Provincia, quæ maritima est, & falsuginosum Solum habet, alendis tamen pecoribus omnium Italiæ est longè fœcundissima; est enim summâ dignum admiratione, quòd cum terra inibi levis ac sabulosa sit, ideóque ejus pascua haud frequenti, sed rarâ admodum ac perpusillâ herbâ virescant, quarum tamen parvam quantitatem illa ad nutritionem apta earum qualitas refarcit tantopere, ut propagando gregi sufficiant; tanta quippe herbulis illis inest vis, ut quamvis ex tenui, à falsugine tamen, cum impinguato, tum ad excitandum pascendi appetitum optimè condito pastu, incredibilis ea pecudum multitudo crescat, quæ non modò Neapolitanis, sed Venetis, atque Illiricis populis sustentandis suppetat.

At neque nimis mirum est; quòd Sal tam pascuis, quàm pascentibus pecudibus tantam possit communicare crassitiem, cum & oleum, quod liquidorum habetur pinguißimum, in se contineat; hoc enim facilè est à Sale elicere, si bitumini admisceatur, nam sunt, qui verissimè asserant, tempore tepido ex mari illud quasi sudorem manare, ut Aristoteles in Problematis: Quod facilè est Mare intuentibus conjicere, quippe cœruleus ille color obscurus, speciemque liquidi bituminis præseferens, tum & Marina ipsa infusa flammis exardescens, manifestè indicant, non modicam inesse mari per salsuginem Olei naturam, quæ cum Sale usque adeò convenit, ut oleo permistus Sal, illud adaugeat; quod non semel periclitatus sum, utpotè Lucernæ deficienti injecto Sale, tantundem luminis viguisse, quantum proportio additi Olei tulisset. Ad hæc Arrianus in Indica Historia refert, apud eos, qui piscibus aluntur, ad hos condiendos ex mari oleum elici solere;

Nec

Nec Sal, qui rebus omnibus tantæ
fœcunditatis occasione est, sibi ipse ma-
net sterilis & infœcundus, nam profe-
rens ex se oleum nullo certè jam poterit
fertilitatis munere carere, sive luxum &
suavitatem humanæ vitæ, sive omnium
ferè medicamentorum usum spectes: in
quibus & Sal & Oleum usque adeò præ-
stant, sùntque mortalibus utilia & ne-
cessaria, ut tanquam de præcipuis hu-
mani Victûs compendiis proverbii loco
dici soleat: *Salem & Oleum coëmere
oportere*; de quo postea latius.

Quare nec videri debet absurdum,
quod alioqui sub inanis spei proverbio
etiam usurpari solet, *Salem serere*: cùm
rursùm ex sato ipso suus item fructus ex-
pectetur utcunque; nam inter alias Sa-
lis species, Sal nitrum de quo suprâ,
quod in cœmentis vetustis oritur, si de-
tractum è terra, atque dissolutum aquâ,
in cumulos terræ spargatur, non secùs
ac sato tritico post quinquennium copi-
osior ex eo fructus redditur; quanquam
quod attinet proverbium, non illud
equidem dictum putarem ex eo, quòd

vana atque inutilis sit cujusque rei, præfertim Salis, satio, ex qua nullus omnino fructus est oriturus, quàm quòd valdè supervacaneum & inane sit, ubi tam frequens, atque ampla, terrâ marique Salis sponte nascentis copia ac redundantia à natura suggeritur, illum ferere.

Prætereà neque decet loca mari finitima, propter falsuginosam viciniam, ut dici solet, aspernari, neque Salem accusare, quod is causa sit, ut illa varietate & frequentia stirpium minimè abundant, cùm hæc sterilitas non ex Sale, foelicissimo stirpium adjutore, sed aliundè contingat, mare enim non solum fecunditatem agris sibi vicinis imperiri solet, verùm eorum etiam feracitatem adaugere, dum illos primùm humore suo impinguat, deinde astrictione, quâ multum valet, humorem cogit, majorémque hunc in eis reddit, dum visua reprimit aquas, quæ subtus terras ex montibus ac locis mediterraneis in maritima derivantur. Quo fit, ut agri maritimi, paululum tamen à mari distantes, multò ampliore generosioréque fructuum

Etuum varietate, quàm mediterranei circumfluant, sed licet hæc ipsa loca mari propinqua nihil aliud ubertatis afferant, quàm fecundissimi Salis esse feracia, nullâ profectò fertilitate vacare censenda sunt: quandoquidem præstantissimâ ille sui copiâ mortalibus pernecessariâ, longè quidem superat stirpium omnium & usum & utilitatem. Nam, si rerum necessitatem, aut exquisitum luxum spectes, multò planè salubrius, atque commodius Sale, sive falsis, quàm multiplici stirpium fructu, mortales sustentari posse comperies, cùm & iidem ipsi fructus, atque expressi succi Sale usque adeò expetant, ut plerique nullo suaviore neque salubriore condimento, quàm Sale gustum & stomachum placare soleant.

Nullum enim est genus herbarum sive pomorum, aut bellariorum, præsertim quæ sapiunt acidum, quod tam crudum, quàm subcoctum Sale admisto; nobis non sit multò gratius multoque salubrius quàm insulsum: Propterea, quòd acida Sale expurgari solent, nè

acerbitate ac immaturitate suâ, quàm ex terræ nutritione concipiunt, cruditatem ventriculo inferant. Sunt etiam plerique fructus conservare soliti, præsertim Cappares atque Olivæ, & ejusmodi, qui ob acerbitatem sic ingrati sunt atque insuaves gustui, ut edi non possint, qui tamen sale & acetò conditi, & conservantur incorrupti, & ad excitandum gustum nobis apponuntur gratissimi; quin & mala Citria Cydoniæque, & Cucurbitæ aliæque id genus ex saccharo confecta Bellaria, nè partium tenuitate putrescant, sed quàm diutissimè incorrupta maneant, novem diebus ante confectionem in sale & aqua retinentur, sicque ad confectionem præparantur. Quin imò, ut præstò sint quovis anni tempore ad sui confectionem, in Sale etiam per annum conservantur.

Ea enim vis Sali inest in conservandis dulcibus, ut vel ipsa quidem spumea sacchari recrementa, quæ vulgò appellant mellacia, dum è Valentino Regno longissimo tractu maris exportantur in
An-

Anglos & Belgas , à quibus magni habentur , Sale condiantur.

Non ergo audiendi sunt Sali falso imponentes , eum dulcium hostem ac consumptorem esse , cum eorum potius conservator ille sit , atque omnium inter sese saporum gratissimus conciliator. Cùm itaque Sal , & gignendis , & propagandis , & alendis , & sanandis , & à corruptione servandis vegetabilibus , inventus à natura fuerit aptissimus , meritò eum celeberrimo titulo , condimentorum omnium nobilissimo , & vegetabilium omnium animâ insigniemus.

CAP. XI.

De Maris Fœcunditatis Salutisque Causa.

Mare magnum ac propè immensum , terrisque ferè omnibus adeò circumfufum , ut earum non minùs longinquas , quàm sibi proximas perpetuâ

tuâ ac æquabili propè irrigatione perfundat: nam etsi mediterraneæ aspectu atque confinio illius prohibentur provinciæ, eas tamen aut subtùs per illarum meatus & fistulas penetrans, continuis ac refluentibus (ut quidam opinati sunt) imbuit humoribus, aut revera perennibus è mari vi Solis per exhalationem in sublime ductis liquoribus, indèque in universas mundi partes refusis, uberiores irrigatione suâ reddit; cujus etiam ubertatis causâ credendum est, ipsum à prima sua constitutione & ortu fuisse, ut ità dicam falsum, ejusque falsuginis calorem, in tanta humoris luxurie, quasi in fertilissimo agro continuam procreandi vim mirabiliter exercuisse.

Sunt varia in mari animantia, nullo propè numero definita, terras incolentia, non tantùm multitudine atque mole, sed varietate formarum longè superantia, ut vera quidem fiat vulgi opinio, ut inquit Plinius, quicquid in parte naturæ est, illa prætereaque multa alia, quæ nunquam visa sunt, in mari esse, ac etiam simulacra rerum omnium non
mo-

modò naturâ, sed & arte confectarum, nec animalium duntaxat, sed stirpium atque inanimatorum omnium, quæ ali-
bi existunt, in mari inveniri; cùm inter animalia maximè, quædam sint, ritu & figurâ oris, & reliquis ferè corporis partibus ac lineamentis etiam vocetenus humanam formam præferentia, alia verò diverforum quadrupedum, reptilium, atque volatilium, & quod magnam habet admirationem, astrorum coelestium speciem, imaginemque ac vim quodammodo referentia, qualia de his, quæ vocantur stellæ marinæ, mirabiliter traduntur; quæ tametsi figurâ parvâ admodum, tereti, atque rotundâ sunt, & in stellarum modum radiantia, tamen igneum adeò fervorem ipsis inesse ferunt, ut omnia in mari suo contactu adurant, omnem cibum statim, asserente Plinio, conficiant.

Verùm tamen ingenii & quasi ratiocinandi vis in piscibus, majori facit eos admiratione dignos; quis enim Mugilis & Lupi inimicitas, mutuâque inter se odia, in tanta loci latitudine, atque
eorum

eorum vitæ jucunditate intuens non ob-
stupescat? Quis rursùm Balenæ atque
ductoris sui muscoli concordiam, in
tanta formæ diversitate ac differentia
non admiretur? Quis non & Anthiæ,
& mergorum ac poliporum aliorumque
piscium astus & versutias, tum tempo-
rum observationes, locorum pro tem-
pore mutationes, tempestatum præsa-
gitiones, propagandi curam, aliaque in-
numera, ac divina penè miracula, in mari
licet fœluginoso conspecta, summo
cum stupore perpendat?

Sed quid demum de stirpibus atque
adumbratis earum fructibus? Sed quid
de rerum arte factarum figuris & imagi-
nibus, similibus hinc inde qualitatibus
& affectibus proferam? neque quic-
quam in mari esse, aut enasci potest,
quod non juxta suum genus vivat, vi-
tam omni sanitate atque jucunditate
perfectam, nam ea illicò senescere, aut
ob summam & extremam ætatem inter-
ire, rarò comperimus, cùm in ipsis vix
levis quidem morbus, tantum abest, ut
vel gravior, minùs autem pestis grassetur;

tur; comprobante Proëmia (*nihil pisce
sanius*)

Cùm igitur tam varia sint in mari
animantia, quæ diuturnam, longævam
ac valdè sanam cum fœcunditate vitam
traducant, quorum etiam ova, quæ pi-
sces, cùm genuerint, relinquunt, tum
mirabiliter sustineantur, tum altrice fota
salsugine, fœtus fundant fœcundissi-
mos; ea quippè loci temperie salubri-
que maris salsugine fruuntur pisces, ut
ab omni morborum genere hisce quasi
antidotis eripiantur, facilè inde credi
potest, tam ingentem aquæ molem, uno
tantùm loco retentam atque cohibitam
neque ullâ unquam novâ qualitate affe-
ctam, neque sapore aliô quàm falsô im-
butam, haud aliunde quàm per salsugi-
nem, manere semper & sanam, & incor-
ruptam; etsi maris aquam inde sum-
ptam & inclusam vasis, compertum est
putrescere, id ex eo tantùm evenire di-
ces, quòd agitatione & motu, ùt inqui-
unt ipsa prohibeatur, ac vel potiùs, quòd
sicut membrum à suo toto atque anima-
to corpore recisum, divulsamque pro-

tinùs corrumpitur, ità quidem illa à suo
toto mari, veluti corpore falsugine ani-
mato separata, putrescat.

Nam & ipsi marinæ ea inest vis &
natura, ut tametsi è mari separetur, cum
aquis tamen dulcibus commista facile
possit illas incolumes conservare; id ex
ipsismet putealibus aquis, quas malè
olentes ac pravo aliquo sapore infectas,
quartâ parte modiolî Salis puteo injectâ
solent expurgare, patet, quam quidem
aquis sanandi vim non solùm naturâ,
sed divinitùsetiam Sali impressam fuisse
legimus, apud sacra Regum commen-
taria, utpote, dum Eliseus Propheta
apud Hiericuntem Palostinæ urbem,
fonti Salem immittens, pessimas & ama-
ras illius Regionis aquas expurgavit;
unde apertissimè constat, marinam fal-
suginem à terrestri esse longè diversam,
& quoad virtutes & facultatem distin-
guendam, falsugo enim maris longè alia
est atque longè differens à falsuginibus
quæ in lacubus, quæque in fontibus &
fluminibus reperiuntur; has enim supe-
rat Sal marinum tam saliendi vi, quàm &
conservandi facultate.

CAP.

C A P. XII.

*De Maris falsuginis causa
secundum diversos Au-
thores.*

Nunc verò marinæ falsuginis cau-
sa, mihi se offert inquirenda;
sed quid adducere possum, inter tam
dissidentes inter sese opiniones? Qui-
dam enim, ut Empedocles eam ab ama-
rulentis adustæ, & quasi sudantis terræ
excrementis in mare excurrentibus de-
rivant. Nonnulli, ut Anaxagoras ab
ardore Solis potius summas aquas adu-
rente oriri sentiunt: Alii verò Vulgares
ab immerfis atque succrescentibus in
mari Salismontibus; Plerique tandem,
ut Platonici humore dulci à mari ejus-
dem vi Solis in nubes sublato, reliquum
tanquam inutile, ac vile quoddam ex-
crementum relinqui, talémque mari-
nam falsuginem esse, opinantur. Sed
quod gravius est, ipsemet Philosopho-
rum

rum Princeps Aristoteles, de ea differentia non minimam dubitandi, nè dicam aberrandi, occasionem nobis relinquit; nam humidam & siccam maris exhalationem falsedinis non parum secum afferentem, sursum à Sole attractam, atque in nubes concretam, rursus per pluvias in mare decidentem, præcipuam hujus falsuginis causam esse affirmat, quæ profectò sententia, tametsi probabilibus, satisque apparentibus rationibus confirmetur, non tamen omninò poterit jam vera judicari; Hoc quidem perabsurdè dicitur, falsuginem ab amarulentis terræ adustæ excrementis in fundum maris profluentibus provenire; non enim terra, quæ majori ex parte mari circumfusa est, atque semper omnibus tam fluminibus, quàm coeli imbribus irrigata, adeò torreretur sive aduri igne posset, ut fluentes per eam humores, perinde ac per cineres lixivium, falsi amarique redderentur, nam experimento inventum fuit, aquas falsuginosis in locis præcipuè lacunosis consistentes, ac sive Solis ardore, sive ex sola natura falsas
aut

aut amaras redditas, has in profundam specum perfluentes, guttatim destillare dulces.

Præterea illud fit minùs credibile, ut ab immerfis innascentibùsque mari Salis montibus, falsugo ità æquabilis atque ubique sui similis saporis suboriatur; neque enim tantum inde falsedinis deflueret, quantum immensa adeóque ingens maris vastitas, tum & perennis dulcissimorum imbrium atque fluminum in mare influxus, non vel potiori ex parte alteraret, vel omnino dilueret; nam si pauculâ aquâ multum Salem dilui videmus, quî quæso, tam ingentes Salis montes mari possent aut succrescere, aut in eo permanere, quos immanis aquarum moles prorsùs non absumeret, neque illorum saporem omnino dilueret, sed perpetuò retineret; an non præponderante Salis gravitate fieret, ut contracta terrestris illa ab imo orta falsugo, potiùs referretur in fundum maris, quàm in summum vi Solis attraheretur? Quod etiam multò aliter evenire compertum est, manifesto quidem piscatorû

& urinatorum testimonio, qui in imo maris aquas dulces reperiri affirmant, indèque eas nullâ falsugine imbutas adducunt.

Neque verò id pugnat cum excellenti marinæ falsuginis natura; sunt enim, qui non ineptè sentiant, provenire ex eo, quòd mare in fundo minùs agitetur, ideòque tradior, immo nulla ferè ibi fiat falsuginis cum scaturientibus aquis commistio, vel potiùs, quòd vi Solis falsugo ab imis trahatur ad summa maris, sicque facilè sit aquas dulces in fundo manere, ac subinde tam pluvias, quàm fluviatiles aquas, quæ mare intrant, fortè subtilitate sua ad ima defluentes cum scaturientibus commisceri; Ad hæc neque verisimile est, ab æstu Solis tantas aquas, atque tot undique circumfusa maria, uno & æquali sapore imbui, non enim possent maria ad extrema orbis sita parem ex æquo saporem cum eo mari, quod est sub æquinoctio, concipere. Nam glacialis Oceanus Septentrioni ad perpendiculum expostus, qui, & falsissimus est, & ab ejusmodi

Salis fonte, ut volunt Sole, remotissimus, multò insulsiore esset mari Indico, sive Athlantico, quæ propinquius Soli subjiciuntur, unde Nilus, qui sub brumali ferè orbe enascitur, atque inde permeans, sub æquatore ad solstitialem orbem usque, & ultrà subterfluit, in totâque ferè Africæ latitudinem se dimittens, in saluginosa sæpè loca incidens, nonne à tanto Solis æstu salissimus evaderet? at is cæteris mundi fluviis, & dulcissimis & purissimis præstat aquis;

Demum neque terra ipsa tam est perpetuis obnoxia ignibus, neque tam æquabili vi bi vis torretur æstû, ut ab ea exustione tantus, tamque amarulentus humor (sic vocant salsum) in mare decurreret, per quem universa maria, usque adeò ubique salsa fierent, sic enim terras, Æquatori aut Solis viæ subjectas, salissimas, ab his autem longissimè distantes, insulsiimas diceremus, cum tamen hæ feracissimæ sint, atque finitima ipsis maria salissima, quin & enascentia ibi terrâ marique animantia, non solum multitudine ac varietate, verum

& magnitudine & salubritate, omnium
foecundissima reperiantur, quibus ex
causis in tam vario de hac ipsa falsugine
opinionum dissidio, quid pro certo po-
nendum sit, atque ut verius tenendum,
prorsus non video: Cùm (ut affirmare
ausim) si universæ, quas recensuimus
opinionones, & cum his mille aliæ ex na-
turalibus ortæ causæ cohærerent, ut ma-
re falsum facerent, falsum credo pro fal-
so efficerent.

CAP. XIII.

De Maris falsuginis vera Causa.

Maris Salsuginem ab eo separabi-
lem, inseparabilémque, dixeris
à prima illa mundi ac rerum procreatio-
ne clarissimum suum ortum duxisse,
eámque unà cum ipso mari, à summo re-
rum opifice Deo, nullâ aliâ intercedente
causâ procreatam, illique permistam
fu-

fuisse : atque ab ea etiam singularem illam tum sanandi , tum propagandi , & à corruptione servandi facultatem , mare accepisse ; Ac fieri quidem ipsam ad tantarum aquarum , cum infinitis aquatilibus conservationem , non modò utilissimam , verùm ad navigandum etiam majoraque mortalium compendio supportanda maris onera , multò commodiorem , in quo planè aqua falsa dulci præstat , cùm sit illa quidem longè crassior , ac proinde gravior & ponderosior , ad sustinendum , ad resistendum , minúsque oneri succumbendum ; ex quibus liquet , nihil tam omninò falsum asseruisse , quàm puram maris falsuginem prorsùs inutilem esse mortalibus , ac neque animantium usibus necessariam .

Cùm itaque nullum , ùt dixi , animal saniùs dici possit , quàm quod ad genituram promptiùs & alacriùs accedit , quódque tum in ea foecundius est , tum vitâ præstat diuturniore : neque ullum sive terrestre , sive volatile perinde sanum ac foecundum appareat , ùt sunt marina , omnium frequentissimum Salis usum

habentia: restat ut Sali, & constantio-
rem Salutem, & diuturniorem vitam,
& uberiores rerum procreationem,
magna quidem ex parte accepta conce-
damus; tantam enim vim, atque natu-
ræ impetum Sal adhibet ad procrean-
dum, ut & cunctarum animantium quasi
Parens, atque fons appellari, & inter
præcipuas genituræ causas, ut summa
quædam illius occasio, jure ipso collo-
cari possit; unde vulgatissimo illi Ari-
stotelis dogmati, de Sole & Homine
hominem generantibus: quo ille totum
humanæ genituræ opus ad Solem & Ho-
minem duntaxat refert, nos Salem ad-
dendum, mediûmque inter utrumque
sic constituendum censemus, quòd Sol
& Homo, propriæ præcipuæque sint
humanæ procreationis causæ, altera uni-
versalis, Sol, altera proxima, Homo;
media verò quædam ad generandum
ocasio, Sal. Ut demum neque finè
Sale fiat humana genitura, neque boni
quidusquam natura proferat, quod non
aut sit Sal, aut à Sale dimanet, atque per
Salem constet, & perficiatur.

CAP. XIV.

*Quæ Loca Sale maxime
abundant.*

Iam verò, si ex his, quæ in uni-
verso celebriora Loca, quæ Sa-
lis feracitate redundant, vel ex visu, vel
ex fama & nomine, vel ob copiam, vel
ob peculiarem Salis præstantiam, sin-
gillatim enumerarem, nimis certè diffu-
sus essem: cùm igitur omnis Sal (ne ab
illa divisione discedam) à natura geni-
tus, aut reperiatur extra terram, aut in
terra inventus, aut cædatur in montibus,
aut effodiatur è campis, aut ex eisdem,
arenis quibus tegitur priùs remotis, exi-
matur, opere pretium est ea, quæ illu-
striora quæque celebriora sunt, per or-
bem fossilis Salis loca recensere.

In Polonia celebriores, & valdè no-
tæ sunt Veliffiæ & Bochniæ Salinæ, in ea
Sarmatiæ parte, quæ hodie Polonia mi-
nor dicitur, non longè à Regia Urbe
Cracovia, ubi ex profundis specubus

instar magnorum lapidum Salis glebæ exciduntur, quæ ad eas circum circa Regionēs abundè providendas sufficiunt, & ob copiam, ob suavitatem, & saliendi vim, omnium fossilium præcipuus ac vulgatissimus habetur, pro firmitate sic edoletur, ut & varia rerum simulacra ex eo fiant. Habent etiam dictæ Salinæ, Salem ità pellucidum splendidumque, ut nihil prorsus à Cristallo differat, Medici Salem Gemmæ hunc esse affirmant, ideóque cùm & compactior & æquabilior, & splendidior sit cunctis Salibus, inter Sales Gemmæ is optimus, ac præstantissimus habetur, ei à Medicis Palma inter omnia Salis genera porrigitur.

Per mediterraneas Germaniæ Provincias, maximè verò Septentrionem versùs, campestris Sal fossilis invenitur, in imis terræ locis & profundis specubus inquisitus, idque propterea, quòd, ubi terra valdè frigida & humida est, ab ea quidem aëris intemperie fit, ut cùm fossilis calidior ac siccior sit aliis Salibus, non in montibus, qui frigore atque hu-
more

more perflabiles sunt, sed in profundis cavernis ab intemperie defensis concre-
 scat, unde in montanis in hisce Regio-
 nibus non nisi perpaucus reperitur, qua
 de causa Gallia, cujus Regio frigida
 est, & humida, Sale fossili montano ca-
 ret; Contra Hispaniam calidam & sic-
 cam, atque oppositu montium ab aqui-
 lone Solis ardoribus magis expositam
 ad meridiem incolentes, fossili monta-
 no, & alio quovis genere Salium cir-
 cumfluunt: ideóque illius species sive
 gradus, non aliunde, quàm ab ipsis ter-
 ris, ubi foditur, sive lacubus, unde ex-
 portatur, appellantur atque discer-
 nuntur;

Inprimis igitur inter alios totius
 Asiæ montes Salis, præstantissimus est
 Oromenus in India, ut refert Plinius:
 Sûntque ibidem plerique alii nativi Sa-
 lis montes, ex quibus tanquam ex læpi-
 dicinis, Sal cæditur, continuò renascens,
 majúsque ex eo, ut fertur, est Regium
 Vectigal, quàm ex auro & margaritis.

Cyrenaici etiam tractus, ut idem
 Plinius, in Sitibus Africæ, Sale, dicto
 Am-

Ammoniaco sub arenis reperto nobilitantur, quem Dioscorides ad Medicinam, cæteris omnibus anteponit; Est enim usque adeò præstans ad salutem, ut mirè carus habeatur Medicis, ob idque sæpissimè Cyprio & Corinthio, qui in Sicilia reperitur, quin & factitio valdè similibus, alicubi adulterari solet, sed qui verus est, atque à subdititio alienus, habet crustas oblongas instar lapidis specularis, & in igne crepitat, & ab eo exilit; Adde, quòd in Mediterraneis Africæ, occidentem versùs, superciliolum montis est (ut testatur Herodotus lib: 4.) itinere quidem dierum decem procurrens per medios Athlantes in mare, apud quos variæ sunt Salium, perinde ac metallorum effossiones, ac non modò fossilium, sed etiam aquatilium. Salium frequens est ibi usus: ideoque incolæ vocantur Athlantes, id est Sales, neque enim eorum linguâ Athlantes aliud plane sonat, quàm Sales; hæc ille.

Porro, ut aliqua Africæ loca, quæ Sale redundant, percurramus, à Cyrenaicis, non longè est sinus Gerraicus, ubi
op-

oppidum, quod Gerra vocatur, turre
habet ac muros etiam, ex Salis quadra-
tis molibus, aquâ conglutinatîs, suffici-
enti ad inhabitandum altitudine & am-
plitudine erectas; quam ædificandi op-
portunitatem facilius est invenire apud
Ammanientes Gerraicis finitimos, qui
domos Sale montibus suis excisso, ceu
lapide construunt, ut jam inde Sal, cui
tam multa de universa humani corporis
salute ac conservatione debemus, sic
aptetur ædificationi, ut nobis pro tecto
quoque & muro sit, ac ab externa etiam
injuria, utpote cœli pluvia, Solisque
ardore, atque à bestiarum excursioni-
bus, sub sua ipse nos umbra defendat.

Non de omnibus in Hispania rena-
scentibus Salibus dicam, sed solum de
iis, quos scire non inutile erit.

Non modò comparandus cum
omnibus Hispanicis Salibus, verùm
universis omnino Salis generibus longè
anteferendus est Sal, Egelaſtanus dictus,
ab Egelaſta inſigni ac pervetusto oppido
citerioris Hispaniæ, Conventûs olim
Cartaginensis, atque in ea extrema ora

Re-

Regni Castellæ nunc sito, ad quod versùs ortum posita est Valentia, sub quo Egelaetano agro magnus atque perpetuus erigitur mons, Sale non tantùm fossili, qui præcipuus in eo est, sed aquatili etiam, utroque perfectissimo redundans; ex cujus montis visceribus glebæ Salis, instar magnorum lapidum specularium exciduntur, tantâ firmitudine ac soliditate præstantes, ut edolari quidem, atque aptari ædificiis, & ex illis simulacra, variæque rerum formæ effingi possint;

Nec silentio prætereundum, quod de innata ejus facultate in condiendis carnibus & aliis esculentis refertur; utpote frustulum ejus Salis ferventi ollæ immissum, ac parvo post intervallo eductum, non plus minúsve condimenti pulmento inferre, quàm quod est opus, eodem ipso frustulo conservato, sapore etiam integro ad denuo condiendum remanente, quamobrem Egelaetanus Sal, reliquos mundi Sales, & seipsum hac in re superat, & tanquam verissimam certissimamque instituti nostri metam
attin-

attingendam proponit, nempe, ut si sanitatem integram retinere cupimus, non plùs, minùsque Sali, sive salitis indulgeamus, quàm Egelaſtanus edocet in condiendo, qui poſtquam pulmentis vel ebullientibus, quantum ſatis eſt communicavit, manens quidem integer & concretus, continuò educi vult, nè modum ſalitura excedat; quibus de cauſis Egelaſtano Sali, palma inter omnia Salis genera negari non poteſt, cùm jam factò ſatis noto, nullus illo ſit, neque ad medicinam ſalubrior, neque ad condiendum aptior, neque perſpicuitate illuſtrior, neque redundantia demum affluenter. Quem, dum de omnibus mundi Salibus palmam tuliffe intelleximus, nunc nobis de ſalibus fontanis reſtat dicendum.

Intermiſſo igitur foſſili, ruſſùm qui extra terram nativus eſt Sal, aut reperitur in fontibus, aut in fluviis, aut in lacunis, aut ad mare, itaque ſingula breviter perſequar.

Fons omniſcalidus ſalem fert, quoniam eſt nitroſis ſulphureisve terræ venis
erum-

erumpit, quæ falsum saporem de quo dictum est modò, continent, ut in balneis nativis experientia docet, qualia puteolis sunt in Campania Italiæ; similes etiam fontes sunt apud Gallitios in Hispania, ad aquas calidas vulgò Episcopium Auriense, juxta fluvium Minimum, sic ab ejusmodi fontibus, qui calidi & falsi oriuntur dictas, quin etiam Aquivaldenses sub conventu Terralonensi extant iis similes, ab eadem fontium qualitate nomen sortiti, atque, ut reliquos prætermittamus, qui innumeri toto orbe reperiuntur, Aquisgrani nobilissima inferioris Germaniæ urbe, uti etiam in Austriæ inferiore quatuor miliaribus Viennâ, calidi etiam fontes, salutares admodum ac pellucidi, scaturiunt, qui pulcherrimis excepti balneis, à sulphurea falsugine fiunt omnibus valdè salubres, prosuntque summoperè ad varios è mortalium corporibus morbos depellendos atque sanitatem revocandam. Ad hæc in sinu maris Adriatici quæ vergit ad Aquilonem, septem sunt fontes, uno excepto falsi, ut testatur Poly-

Polybius, quin variis in locis Puteos naturâ falsos passim videre est; nam Germania, ut narrat Georgius Agricola, curiosissimus subterraneorum perscrutator, multis aquis falsis scatet, quarum aliquot fontes nobilibus oppidis decorat, ob id Lunenburgum, Hallas, vocabulo à Græcis ducto, quasi Sales, incolæ vocant, ut Hallam Hermundurorum quæ est ad Salam fluvium & Sultzam non longè distantem, & Magdeburgum, Colberg, Hallam Inspruckensem, Hallam Sueviæ, quæ est ad Choccarum, cum plerisque aliis.

De Sale Puteali.

Sunt autem inter fontanos & fluviales Sales connumerandi puteales, ab educta falsa è puteis aqua, & in areas diffusa, quæ adveniente rore cœli condensatur, & in candidissimum Salem concrescit; ut in Volaterraneo Hetruriæ, ubi falsi putei extant, è quibus egesta falsa, & modis quibus dictum est condensata, Salem profert copiosissimum usque adeò, ut bona quidem Hetruriæ pars eo

alatur, quippe hunc aureum planè dices, si, quæ Duci Florentinorum, ejusdémque Hetruriæ Principi, quotannis appenduntur ex eo Sale tributa, ingentémque vim auri perpenderes, quam ille quotidie ex hisce puteis colligit, nam suprâ triginta millia auri pondo singulis annis inde Ducis ærario accrescere dicuntur.

Sunt etiam ejusmodi aquæ salinantes in Scicilia, quæ similiter à puteis exhaustæ coguntur in Salem; sic apud Oscenses, in Terraconensi Provincia, non longè à Pyreneis montibus similes puteales salinæ sunt, quas vulgò vocant Nabalicas, in quibus abeducta falsa è puteis concrescens Sal, quasi purpureis Violis circumflorere videtur; non enim colore modò, sed odore etiam violaceo referrus est, atque aliorum quorumvis Salium, quibus abundant incolæ, suavissimus ac perfectissimus habetur: verúmtamen hi falsi fontes, maxima ex parte, aut ad putei modum sunt inclusi, ut semper aquarum copiam suppeditare possint, ità, ut excavatâ propè terrâ in
fo-

foveas excipiatur salsa, indè que suapte sponte feratur in subjectas areas, aut reverà sunt putei è profundo scaturientes.

De Sale Lacustri.

Porro, post putealem, lacustre Sal sequitur, qui à lacubus variè egeritur, & concrescit, dum lacus aqua in Salem mutatur, ardore Solis saluginosam terræ materiam ad saliendas aquas excitante; quorum est omnium Europæ celeberrimus in Apulia, Tarentinus dictus, à Tarento, urbe antiquissima in Italia, suprà modum inclyta, ob ejusmodi Salis copiam, qui tot innumerabilibus alendis pecudibus sufficit, qui Sal ad usus medicinæ, ut inquit Plinius, ab antiquis maximè laudatur, neque tamen hodie ab ea singulari facultate degenerasse creditur, nam quod attinet ad gustum, idem suavissimus omnium habetur; Agrigentinus quoque in Scicilia, qui raræ admodum substantiæ est Sal, ob idque neque in igne crepitat, neque exilit, tamen ignis patientissimum, ex aqua exilire Plinius asseverat, quem rursùm

in igne positum ait (quod mirum est) liquefcere.

Vulgatiffimus ejusdem Salis lacus, qui in Hispania in Valentino Regno non procul ab Illicitano Sinau fitus est, sesqui miliari ferè à mari distans, inter quem Sinum & Cartaginem novam in Orcelitano Agro conspicitur latiffimus, vulgò dictus de la Matta, apud quem frequentiffimum fit Salis Emporium, extremis usque oris Europæ notiffimum, nam concurrèntibus in lacus tam coeli quàm fonticulorum aquis dulcibus, unà cum falsis, quæ passim sub lacu scaturiunt, iisdémque æstivo Sole ficcatis tantus concrefcit Sal, ut non modò vicinis populis sufficiat, verùm etiam ab extraneis onerariis navibus exportetur valdè longè, quippe non solum in Italia, sed in Hollandia, Hamburgo, Pomerania, Prussia, Livonia, & Lithuania magno est usui, & in magna æstimatione.

De Sale Marino.

Jam verò à lacustri Sale ad marinum devenio, qui, juxta priorem divisionem

eorum Salium, qui extra terram fiunt, caput constituit, cujus diversæ sunt species, nam qui hos inter spontaneè gignitur, reliquis omnino Salibus est longè suavior, is autem concrescit, cùm mare fervens æstu spumas agit, easque ad littora & scopulos appellit, quæ abscessæ, & in scopulos dimissæ, pro Solis, pro aëris atque loci vi, in candidissimum & electissimum Salem coguntur, tametsi, non omnibus in locis maritimis condensetur, propterea, quòd non ubique pro aëris atque Regionis temperie ejusmodi constipatio fiat, non enim in Regionibus, aut supra modum frigidis, aut vehementer calidis, sed à temperie ad calidum declinantibus, maximèque austro expositis concrescit id genus Salis, quod perflante austro, non tamen concrecente rore, minimèque Solis calore fit, sed aquilonis flatibus temperatæ Regionis calore moderatis densatur, ac copiosissimè efficitur, quem ipsum Dioscorides & Plinius spumam vocant, Gregorius Agricola Salem à marina spuma genitum rectiùs appellandum putat,

nec incongruè, ut idem ait, Sal Virgo is dici posset, à flore tamen Salis, de quo postea, alienus est, quem etiam Medici juniores Salis spumam, quasi Poëticè videntur nominare, per id, Sal Maris intelligentes, atque inter omnia Salis genera hoc summoperè commendantes: quo Sale plura maritima Europæ loca abundant, maximè verò in citeriore Hispania, sub eodem Valentino Regno, juxta promontorium Ferrariæ, cui conjuncta sunt Diannium & Tetabicula antiquissima oppida, hoc ipso Sale redundantia; qui etiam concrevit apud finitimos ejus oræ Calpetanos ad Sifacæ promontorium, quod omnium Hispaniæ eminentissimum est, ac vehementer acuminatum, & quia longissimè Mari prominet, tutissima fit totius ejus oræ specula, ad cujus radices, qua ipsum continenti committitur, latissima est area multis Salinis circumfusa, nam excavatis ibi rupibus, prælongi canales excipiunt excrescentes maris fluctus, qui deinde in Patentes quasdam areas influunt, ubi marina cœlesti rore & aquilone
flan-

flante concreta, id genus Salis emittit, quo utentibus Calpetanis in salientibus mox captis piscibus, quorum in eo mari amplissima est captura, magna profectò fit, tam lucri, quàm piscatorii nominis accessio; propterea, quòd eo Sale saliti pisces & per universam inde oram, & ad mediterraneos transmissi, recentibus non salitis multò gratiores fiant, cujusmodi etiam Salem frequentissimum invenire est ad proximum Portum Alonensem, nec non ad Illicitanum Sinum Cadix, St: Lucar, St: Ubert in Lusitania, ac etiam Lisbona.

CAP. XV.

Quomodo omnes Sales, quòd Sales sint, cognoscantur, & qui præ cæteris eligendus?



um igitur omnes Sales huc tendant maximè, ut verè sapiant,

neque ex aliis possint qualitatibus, quòd Sales sint, veriùs, quàm ex sapore & gustu judicari ac discerni, consequitur, ipsas Salis species per majores vel minores saliendi gradus, ut dicebamus, esse colligendas: eorùmque causas & effectus potissimùm referendos ad eam temperiem sive impressionem, quæ fit pro Solis, pro Aëris, pro Roris, pro Aquæ, próque Soli, ac Loci qualitate, in quo Sales conficiuntur. Quare, omis- sis quæ de coloribus, deque odoribus ac lineamentis Salium, quæ à Medicis non sinè aliqua salutis ratione, ut supra de Ammoniaco, considerantur, illum in universum describemus Salem, qui ex communi Medicorum sententia omni- um perfectissimus eligendus est, is au- tem est, qui candidus, qui pellucidus, qui densus, atque, ut more quorundam dicam, inodorus, ac illapidosus est, quique æqualem & cum quadam veluti suavitate temperatam habet acrimoni- am, & ob perspicuitatem veram refert CrySTALLUM; ut tandem Salium fossilis sit præstantissimus, atque fossilium, mon-

montanus excellentissimus : cùm in hunc, omnes perfecti Salis proprietates & affectiones mirè conveniant.

Fossilis enim, quò siccior est, quò durior & minùs fragilis, sed potius adstringentior, fit ad saliendum utilior, nam quò siccior est Sal, eò magis est salus : Durus haud protinus consumitur ; Astringens substantiam rei salitæ contrahit, continet, neque dilabi permittit, ob idque condiendis carnibus & piscibus hoc genus Salis cunctis præfertur, atque præcipuè adhibetur ; Est itaque Sali necessarium, verus ut sit, atque perfectus, ut ex tam multis, has saltem innatas habeat qualitates actrices, nimirum ut ad motus linguæ gustuque mordeat, excitet, siccet, astringat, contrahat, detergat, atque urat ; Hæ quippe tanquam Principes, cæteras Salis facultates in se continent, à quibus tot innumerabiles Salis effectus promanârunt. Pro Empiricorum quoque & aliorum Medicorum applicatione & usu, plures profectò sunt Salis gradus, variæque tum saliendi, tum sanandi rationes, quas

apud Dioscoridem, Plinium, Galenum, Avicennam, Mesuem, aliosque præstantissimos tam Medicos quam Philosophos, facile est discernere, atque illarum naturam quotove gradu & ordine, aliæ aliis potiores sint, ut Pharmacis & salubritati accommodentur perspicere; quare de iis, quæ ad propositum meum attinent, satis superque (nî fallor) discurre, reliqua verò ad eosdem Auctores referenda, ab eisdemque petenda sunt.

Tam multis igitur, tam variis, tamque exquisitis modis, universum animantium genus incitante naturâ ad inquirendum Salem, continuam ubique operam navavit; ut de universali fama tenuerit Hesiodus, eam non esse contemendam, propterea, quòd quædam Dei vox esse videretur: Ità vere credendum est, communem hanc omnibus Salis appetentiam, divinum quendam influxum esse, qui nos quidem in Salem tanquam in suavissimum ac utilissimum quoddam naturæ bonum promoveat, atque deducat; quodsi demum natura provida (quæ nihil agit fru-

frustra) non solum Mari, sed Terris omnibus, aut Salem, aut ejus materiam, aut salendi artem communicavit, eademque animantium gustatum sic finxit, ut despectis interdum cibis aliisque saporibus Salem illa expetant, ac neque respuant, neque aspernentur, omnino, non modò universo corpori, sed singulis membris salutem à Sale inveni, sciendum est. Ex quibus tota opera mea confirmata manet, nihil esse Sale humanis corporibus salubrius. Cùm itaque ex his, quæ hæctenus de Sale dicta sunt, satis superque, nî fallor, demonstratum fuerit, nihil ubivis rerum esse, quod non mortalium usui suo utilissimo atque suavissimo Sale circumfluat: nihil, quod non per Salem tam animi quàm corporis palatum condiat, nihil denique, quod sinè Sale non æquè inane sit, ac insuetum: quid amplius dicendum superest, quàm, ut inchoato operi fastigium imponam? jam enim Sal consumpto stomachi humore, linguam prorsus hærare fecit in sicco.

*Sunt bona cuncta Deus toto quæ condi-
dit orbe,*

*Utile Sole tamen nil magis atque Sale.
Phæbo cuncta vigent, radios jaculante
caloris,*

*Occupat hæc illo summa cadente dies,
Balsamus ipse Salis tabem putredinis ar-
cet,*

*Condita asservans integra ritè diu,
Tandem quæis constant spatioso condita
mundo*

*Ex tribus est unum Sal quoque prin-
cipiis,
Ergo suum Sal quodque tenet, proprium-
que liquorem*

Balsameum, sese quo tueatur, habet.









